



05374

龜巢薈卷之六

元謝應芳撰

詩

雪巢爲馬仲良賦

馬鞍山高數千尺考槃之阿環大澤梅花爲屋雪爲巢窗戶  
玲瓏室虛白諸公袞袞登雲梯若人奚獨能幽棲澹然素志  
絕華藻要令朴俗還標枝藍關策馬官遠謫居延牧羝羶盡  
嚙何如雪飲樂巢居更與黨家風味別犁雲無夢清如許膝  
上兒郎賦冰柱此生此樂慎勿移聽取龜巢老人語

次韻答許西溪

龜巢薈卷六

憶昔送別黃花秋烏紗破帽霜滿頭別來作詩屢問訊夢中  
載酒時遨遊兵戈同歷二十載鴛鴦夜啼雲靄靄全家老穉  
幸逃生又閱桑田變滄海啟榮之樂今有餘勿謂此榮年不  
如峴山一望三太息襄陽耆舊晨星疎

次韻自述

百年有限恥求仙數口無饑賴薄田菰米熟來連日雨菊花  
開到小春天方從易外窮羲畫無復詩中泥鄭箋客至酒杯  
時一舉開籠放鶴舞蹀躞

送婁主簿赴京考績

吳霜如雪點征衣匹馬之京小隸隨鸞棘特書良史筆鳳臺



族孫蘭生參校

重覽謫仙詩天開景運崇文治年少多才際盛時野老送行  
無贖物梅花折去臘前枝

寄張以誠二首

入城一度一相尋爲愛論詩識趣深歲晏杜門寒不出折梅  
要寄隴頭吟

蘭陵市上厭囂塵藥杵聲中樂隱倫兒童葦荷鋤今日去一枝  
添種杏林春

雪舟棹歌

并序

湖南潘公珍仲寶自號雪舟以耆艾之年監稅江陰縣洪  
武戊辰冬赴京考績語予曰今將告老於朝得旨則扁

龜巢藁卷六

二

舟載雪而歸矣雪舟之興盖與山陰王子猷有不同耳  
吁昔者陸公紀官滿鬱林歸舟載石使當苞苴有物則  
奚用是石爲哉公之雪舟意蓋如此若夫鴟夷子皮之  
舟裝以重寶復竊取傾國之尤物隨之污曠五湖遺臭  
千古其視吾載石與雪者不啻霄壤今雪舟之歸雖未  
可必然其志氣高潔如此雖在市朝亦必爲清白吏是  
亦不歸之歸也予嘉之故爲作雪舟棹歌三章以道其

樂云歌曰

載雪兮孤舟帆江風兮中流蘭橈歸兮無恙吾將老兮滄洲  
再歌曰剖肉兮藏珠抱玉兮求沽悵斯人兮非吾徒尋鷗盟

兮侶糕蘇

三歌曰舟搖搖兮江水長五老玉立兮遙相望解吾纓兮濯  
湖湘樂吾之樂兮未渠央

送王主簿赴京考績

三年一枝此鸞棘一息萬里方鵬程長安西日舉頭近匹馬  
北風行色清朝廷考績垂令典臺閣交薦蜚英聲隣封野老  
頭雪白也折梅花作送行

雪岩詩爲江陰李縣丞作

瞻彼雪巖太行之陰玉樹瓊林纖滓勿侵雪岩峩峩岩有薜  
蘿有美君子居岩之阿峩峩雪巖薜蘿如昔時止時行不泥  
其迹雪白而清岩靜而深曷其似之君子之心始終一節謂  
子不信有如岩雪

寄希物先楚蘭江二禪老

優鉢花開五百年連枝香徹九重天恩承雨露移金刹語帶  
烟霞漱玉泉虎踞龍蟠多古迹燕來鴻去自新年老夫嬾著  
遊山屐空仰崔嵬夕照邊

過烈塘祖墓里人牧羊於壟上以詩呈郡邑

鳳橋之西烈塘東我祖我禰馬鬣封向來松柏蟠蒼龍灰飛  
烟滅兵前風十年天造開鴻濛恩沾萬國生育同壟頭萌蘖  
春蒙茸藤枝棘花雜青紅牛羊斧斤集如蠡一年一度一掃

空白頭遺孤抱哀恫麾之不去欺龍鍾無階上天訴天翁吞  
聲躑躅淚滿胷府公賴有渤海龔琴堂長貳明且聰令行如  
風偃蒿蓬樵夫牧人乃絕踪將來宰木蔽幽宮九原感戴恩  
無窮嗚乎九原感戴恩無窮

懷成都監倉趙執中三首

擲去任公舊釣竿龍墀拜命卽之官丈夫志在功名外蜀道  
行來自不難

七千里外芙蓉城四五月間鷓鴣聲月俸支來賸沽酒莫遣  
閒愁取次生

公餘訪古碧雞祠官柳野梅皆可詩我欲見詩知雅興如何

龜巢藁卷六

四

黃耳到家遲

寄熊元修

五湖三泖一癯仙心骨俱清地更偏睡鴨燒香書屋裏閒鷗  
結社釣磯邊鱗鱗芳草無塵土又喜黃楊閱閏年熱客不來  
清晝永南山相對兩悠然

晚香亭爲蔣公勉作

維莫之秋百草不芳維菊有花晚節之香君子撝之金玉其  
相顯顯叩叩氣凌風霜回視春葩綺羅靚妝及茲冷秋掃跡  
窮荒菊也特立澹乎坤裳我佩爾紉我帶爾纏厥德之馨匪  
食其英亭有三徑里猶柴桑亭亦有池永同南陽宜爾父子

倉壽無疆矧有佳客盧駱王楊高堂起居階庭趨踰玩物適  
意其樂洋洋鄙人作歌以侑稱觴

題龔景良傍梅書舍

南昌山水非不佳卜隣直欲傍梅花花開歲晚香滿屋清致  
不減林逋家三間茅屋大如斗四壁圖書雜蝌蚪腹笥便便  
不自多汗竹之編長在手有時門外雪三尺羣籟無聲人絕  
迹梅花立雪似游揚不作桃哀憔悴色春風滿面笑相看知  
我鐵心同歲寒他日稱居玉堂署應有品題稱二難洛陽杜  
丹春比屋日夜沉酣沸絲竹何當聆我讀書聲亦若聞韶解  
忘肉

龜巢藁卷六

五

次韻荅毛雲莊并簡太希先生

吾聞天台之山冠東南蔚有清氣非雲嵐山高一萬八千丈  
石頭毛髮青毳毳鍾靈仙釋踵相接求爲世用疇能堪不知  
三綱九法是何物浪說千岩萬壑能窮探雲莊先生隱君子  
非仙非釋棲苔龕冑中冰滿壺頭上雪一簪羲皇以來書盡  
讀熱官不要詩仍湛草堂侶有北山鶴菊泉飲比南陽潭清  
風日掃三徑竹寒霜歲熟于頭柑齊名子陳子不受功名酣  
坐談風月只松塵臥遊山澤非桃驂老夫恨臂不羽翼翩然  
飛去時相參四壁同馬卿一禪如阮咸猶喜盤滄菜有二十  
七生世年踰八十三忘機頗覺室生白造道尙欲青於藍向

來行路如棘澁今乃茹荼猶薺甘小山老叢桂滄江倚枯柙  
愛君傑作神氣壯瞻我孤陋顏色慚蘭陵府主蓮幙客皆云  
此詩壓倒方雲庵赤手鯨牙力可拔薰人雞舌香微含餘波  
及我老孤研清入肺腑蠲熱燠一朝怪事出幕府口不忍語  
非三緘令威到家能自談

常郡經歷鄭立禮吾友天台陳太希之門人到任數月  
家人至而立禮病疫而沒寡妻稚子遑遑無歸予作  
二詩以哀挽之

青風歛起怪禽呼吹折琅玕樹一枝何事天公渾不管生年  
多賦道傍樗

龜巢藁卷六

六

琅玕樹折鳳巢傾胆落鷓雛抱母鳴故國欲歸雙羽弱哀哀  
啼作杜鵑聲

### 延陵野老歌送張太守

延陵野老巾滿霜送侯入朝歌道傍歌中不解說循良但云  
三載安農桑官無煩苛歲豐穰饑有菽粟寒衣裳我侯興學  
扶綱常授經諸生踵陳襄一鼓士氣弛而張劍井亦復騰輝  
光訟庭春來莎草長風行四邑方泱泱九重天語星使將五  
車夜趣天官裝黎明馬出金斗坊羣氓猶挽青絲韁銓衡郡  
才進岩廊將見列郡皆龔黃連步拾級登廟廊佩鳴珩璜謹  
趨蹌掖垣柴微花自香甘棠之愛民弗忘大江東流青海洋

我思悠悠渠未央

寄呂教諭覓惠山泉

木屐上山老無力茶鐘覓泉猶累人目光直射九龍角曾次  
欲浣三斛塵冰符分竹果如約石床焦桐堪作琴居當知我  
鄙肉食一瓢不厭平生貧

寄袁子英

橫山東望崑山遠江水西來海水連每每手書論著述猶如  
面晤奉周旋微陽喜復飛葭管大有重書汗竹編若問老夫  
兒女事曾孫又抱小春前

謝余提學摘囊集

龜巢葉卷六

七

虛譽何人說草元雄文爲我冠蒲編諸公共美金聲擲兒輩  
爭誇石刻傳笏裏小團陽羨月餅封新汲惠山泉故鄉風土  
殊蕭瑟聊作梅花寄海邊

挽吳母

賢母無復見孤兒痛若何絳紗空幔在彤史闕文多林竹冬  
猶筭屢岷巷不歌蹇子妻千輩垂涕憶婁佗

又代王尙綱

澱山湖上辟兵時總角曾聞阿母慈霜塗不教兒子出冰池  
竟得鯉魚知生前冠冕升堂拜死後芬芳婦德碑愧我不才  
俱靡及抽毫遙寫楚些悲

次韻賈教授暮春言懷

琴有微音劍有光惜哉江海老張蒼且將濁酒供瓢飲何必  
明珠用斗量壇杏作花紅樹暖泮芹抽葉翠波香鰲山遙在  
天東北時復瞻雲首一昂

寄萊陽縣丞蘇偉正

觸熱訪而翁萊陽書適至而翁釋離憂吾儕慰馳系青雲發  
朝初甘雨隨車沛早歲竟豐穰天意更汪濊厘氓九衢舞海  
市百靈喜魁然英妙年際此太平世蹇子八十翁懷人二千  
里哦松公務餘滄檠珍味比魏公百韻詩仕學有餘軌

錢孝女詩

龜巢葉卷六

八

斷臂恥受污矧目示守節斷髮割耳鼻亦截忍棄夫家甘毀  
滅嗟哉錢氏女孝心亦如之剝肉於股療阿嬭想當持刀入  
手時精誠默感天翁知百靈捩呵走神醫肉乃化作藥石麋  
溲際淋漓腹除癰如以湯泉澆雪釋嬭無呻吟女弗戚隣翁  
里媪皆嘆息孑生慕忠孝老去仍惓惓每見返哺烏如甫拜  
杜鵑願言屏鴟鴞不與同戴天竹林寒筍冰池鯉澤中薰菜  
籬根米天其垂恩錫孝子董狐盡爲書青史

和江陰鄭教諭登樓

爲愛居山好每登樓上頭一羶渾不冷有酒更何愁歲月江  
流急人生泡影浮興來歌舞罷倚檻看天不

次韻答陳推官

珍重新詩遺華於翠織成立哦天似洗連日雨頻傾大府羣  
英集清朝列爵榮正須康濟力膏澤被蒼生

和陳推官過余公祠

公諱闕字庭心元進士安慶路總管守城死洪武初勅建元忠臣廟

諡忠  
宣公

砥柱迴瀾屹呂梁安知誰武復誰湯六年守戰孤臣死一代  
文章萬丈光草木荒城威肅肅丹青遺廟貌陽悲歌沃醅  
知何日北斗持來挹酒漿

殷孝伯挽詞

憶昔羈旅中片言識醜蔑十載忘年交兵戈正騷屑

龜巢葉卷六

九

知子早卓越春秋泰五傳窮源見澄澈經

時陵谷變遵養臥岩洪武更化初絳車聘高潔辭

勞忤當路一命萬里轍志違烏鳥養淚忍啼鵲血咸陽火方  
燼教雨沃餘烈與輪周孔廟駿奔籩豆設庭生書帶草青青  
比蘭茁孤雲日在望縮地恨無訣遄歸一觀省亟去兩踰月  
老夫獲晤語清風濯煩熱著述亦已多討論心愈切安知一

疊歌竟作千秋別招魂賴遺孤魂歸母垂絕於乎世之人賦  
命何優劣或厭飫八珍子獨茹冰雪或穩步康莊子獨蹊阨  
隍行行止於斯矩步踵先哲崑山靈氣慘婁江水聲咽誰爲  
有道碑修名罔磨滅

哭盧知州

諱熊字公武

東帛三徵出薜蘿雲階步武正逶迤飄風動地須與靜奈爾  
琅玕遽折何  
雪手灘流理繭絲一襟華藻竟何施秋風夜月華亭鶴又作  
悲聲似昔時

送浦良之安陸府代父從軍

秋風涼秋夜長往哉讀父書超然出戎行詩書元帥古來有  
摺紳先主今汝望

寄徐伯樞縣丞

逐客多林晝錦衣謫仙喜得夜郎歸古來白雪詞難和此去

龜巢葉卷六

十

青山志不違洗馬池邊楊柳老臥龍岡上豆苗肥獨憐棗鄂  
秋蕭瑟又見西風旅雁飛

某巢居病瘡有客自青山門來者語予曰賢太守過道

鄉佳城以帛以酌且爲之扶植仆碑添土舊封又將  
築周垣而護之殘山剩水皆有德色

某聞之喜不覺

其疾頓愈起坐午窗老硯濡墨筆是詩以紀盛事洪

武十年歲在丁巳七月十日也

風疾只華亭又

世有文潞公乃立明道表明道表不立斯文尙幽眇時有孔  
北海乃稱通德門通德門不稱大儒曷推尊古人今人同此  
心當風正欲披其襟嗟予東家子騶子傳道龍門天下士一

朝叩天關獨立批龍鱗祇恐綠衣黃裳悞人主安知炎烟瘴  
兩危其身萬里投荒挺霜竹歸來青山竟埋玉迄今二百九  
十年陵谷幾番經變遷折角麒麟臥荆棘復見藩侯駐熊軾  
鬣封添覆鳥啼土頽碑扶起龜馱石先生九京知不知名在  
人間益輝赫孔北海文潞公今人古人將無同青天高高不  
可問白楊爲我叫西風

題夜潮圖

昔子夜醉錢塘酒看潮八月中秋後銀山湧出海門來潮聲  
殷若雷霆吼此圖之作知幾年當時景物皆依然雲山兩岸  
淡籠月雪浪一江高拍天一觀頓覺毛髮立再觀祇恐衣裳  
濕扁舟漁子任掀舞別渚鷗鳧自翔集奔騰澎湃無足驚人  
間平地風波生乘桴尼父果浮海從遊我亦跨長鯨

龜巢叢卷六

十一

郭府判惠佛面竹杖蓋以佛狀而名之矧夫節有交互  
之異旁生兩枝末復爲一視他杖殊不同詩以謝

頎然此君生越裳化身無乃是空王生來丈六紫金相復現  
太乙青藜光孫枝並出能比秀老節交錯成文章只恐化龍  
飛入海尙煩垂念瞽偃偃

呈府官求刊思賢錄

忠公神遊白玉京鳳皇無復朝陽鳴寥寥二百九十載其文  
况忍成漂零某也東髮頗嗜學四方掇拾手不停珠聯璧合

綴方冊字字句句含芳馨向來辟地東入海挾書幾落長平坑還家暗投科斗壁何異寶劍埋豐城郡公宣化重名教斯文要俾晦復明顛呼鐵筆寫堅木彷彿中郎鐫石經螢窗雪案人快覩妙語炳如懸日星顯忠不須庵忠鄒無用亭牽裾伏蒲想儀刑儼然見我鄉先生

題徐良夫畊漁軒

我本畊漁人喜子與同志子居中吳山水窟比我延陵更佳致太湖三萬六千頃七十二峯連紫翠山皆可畊水可漁無復紛紜嬰世累朋遊日接愼威儀酣酒賦詩時適意客來遺我金蘭集儼然承顏依玉立因以今人思古人與客評論重於邑輟耕莘野赴阿衡後人曉曉疑割烹擲去漁竿佐周武鷹揚之勞亦良苦當今盛時伊呂多幽棲正宜安薜蘿山中小草或浪出于虛鮮能無一失願言養高持素心百鍊不改堅如金相過未擬聆蛩音寄言時復相規箴

生日口號二首

餘生重作太平民雪色麻袍皂葛巾兒業經鋤能養志家居瓢飲不憂貧屋頭箇箇慈烏喜塔下翩翩舞雀馴此日誰爲湯餅客孟光相對鬢如銀

秋菊春蘭各有時頽然老我一書癡脚跟不識青雲路頭髮空成白雪絲怕醉有時曾止酒遣閒無日不吟詩旁人若問

今年幾八十年前五歲兒

送聰上人

蘇州有卽常州有今雨來時舊雨來鏡限門前人立雪寶華  
臺上鼓鳴雷九州禹貢包時橋十里吳王醉處梅請與淡翁  
論古意老夫朝暮亦浮杯

送僧歸四明省母

同根華萼兩連枝甘輒能供老阿嬈不用睦州蒲織屨睦州  
因得賦歸遲

吳霜如雪滿袈裟正月闌珊可到家別有一般清淨供高堂  
說法向摩耶

龜巢藁卷六

十一

送鄭教諭進表之京

東瓊疊舍跨征鞍奉表朝家慶履瑞虎拜三呼稱萬壽龍顏  
一笑宴千官酌來天上葡萄酒洗去胷中苜蓿盤官樣文章  
新製作老夫刮目待歸看

過天寧寺閱行中和尙潛居藁知其邃於易學兼長於  
詩故寄此

西來祖業繼箕裘旁入儒林託泳游二雅什中歌矩度九師  
注外易傳流松堪受記皆摩項石解知音亦點頭逸興飄飄  
誰足擬白雲飛度楚江秋

次韻陳推官元旦作

東風楊柳驛橋邊，香雪沾來斗十千。早飲屠蘇還舊俗，遙瞻  
闔闔賀新年。萬方人樂昇平世，五色雲開咫尺天。廊廟器成  
今未晚，着鞭始讓祖生先。

正月十四日代簡招鄉中親友  
上元之前日，將午相邀諸公聚。環堵山瓢持作鸚鵡盃，畦蔬  
擷取龍根脯。兩兒肅客衣，襜褕老夫雀。立梅花檐，照天蠟燭  
夜有月，勿謂寒舍無燈相棄嫌。

寄管伯齡兼呈陶呈甫

前年詩寫心聲去，此日人來口信通。一自初交經世變，兩無  
相笑坐文窮。崑山冰柱軒窗外，笠澤烟波賦詠中。更憶南隣

龜巢藁卷六

十四

龍頂竹曾留東走鹿皮翁

張伯仁兄弟濠梁蒙恩還鄉

客行二月初三日詩到千墩寄二難，且喜江南春氣早不聞。  
濠上雨聲寒花時多釀，醱酒芳館重修芍藥欄。往事真成  
塞翁馬，正須招集笑相看。

簡伯仁里中親友七人

臨濠人歸去年夏，故園花開今兩春。看花把酒應共樂，訪竹  
題詩毋厭頻。紅塵車馬跡不到，滄洲魚鳥人相親。老夫遙瞻  
德星聚，乘興幾回車欲巾。

聞趙明南免官還家作此代簡，并以孝女傳求詩兼寄。

水村先生冰雪姿一襟清氣溢爲詩不同不異頗奇崛步趨李白仍委蛇夜郎歸來脫塵屣濯足淞江太湖水雞壇有盟知弗渝書或浮沉沉况杭葦衰年萬事皆遺忘咏歌之樂殊未央請觀側陋出純孝援筆爲揚蘭蕙芳毛公世業詩三百白華補亡求必獲更煩鷗社語間叟定有隋珠照方冊  
舊冬十二月初四日次子林赴京初九日入覲十三日授開封新鄭縣學教諭卽日之任時雨雪連數日寒甚眷焉於懷久而不釋

龜巢藁卷六

七

兒別雙親到日邊承恩徑着遠遊鞭一千里外沐梁路十二月中冰雪天楊震未期堂有鱸鄭虔何愧坐無氈只今偃武修文日正欲鸞膠續斷絃

服霞道人歌

服霞道人本仙骨隱居琴川山水窟朝看鼎食暮鼎烹富貴於人果何物道人忘世味祇服山中霞卻青精棄胡麻八珍視同泥與沙扶桑飛出金老鴉氤氳五色搏精華响噓呼吸聞入腹皆河車手持九霞觴頭戴三朶花松風爲作洞仙曲絕勝金谷鳴箏琶一經不學乃無術麻姑送酒徒相誇吾服吾霞吾自足安知世有萬羊祿夷齊餓死良可憐留得清名傳汗竹秦人採藥尋蓬山好兒好女無復還漢宮空設承露

盤銅仙爲之淚沉瀾玄霜本非霜絳雪亦非雪請從服霞道人逍遙遊指點崆峒授真訣

貽五牧劉永貞

昔賢五牧家何在今爾幽棲地甚偏種秫歲供彭澤酒煮茶時汲惠山泉錦鳩呼婦兩聲歇丹杏作花春正妍堪笑老夫頭似雪興來尋戴過前川  
盧陵美山川穹林古喬木雲樞三十年遵養卑自牧靜言求放心雞犬常在目竭來陟雲衢半剖桃符竹牧民如牧羊四郊春草綠豐年羊茁壯亦有抱眠犢豈無敗羣者其藩或輕觸約之鞭用蒲所履繼前躅置身將青雲岳牧聯佩玉佐主牧天下庶類賴蕃育雲牧懋厥功吾言比芹曝

龜巢藁卷六

六

王叔明雲峯圖

王郎多學畫最工筆法似舅松雪翁松雪之書妙天下以書爲畫妙亦同想當洒墨成雲峯豪氣壓倒陳元龍層巒翠嶽摩蒼穹咫尺可論千萬重嵐光翠滴天無風若有微籟鳴杉松於乎此時此畫復誰有我爲此甥懷此舅

秋林讀書圖

春風不著長安鞭秋風讀書年復年百篇蝌蚪自爲寶三足蟾蜍誰與憐目光爛爛走金電口角泠泠飛玉泉老我東家

兔園冊尚分隣燭教曾玄

題村田樂圖

老人村老瓦盆常作雞豚社不識州縣門阿翁醉倒阿婆笑

膝上呶鴉弄乳孫

六月八日得次子詩并書久旱高田未秧是夕連雨三

喜日喜而和之

新鄭書來劍井邊方將陰石捶荆鞭雷霆夜坐三更雨江海

寒生六月天不惜空囊沾綠蠹從教破屋濕青氈北窗風響

蕭蕭竹如聽南薰奏五絃

去冬送鄭教諭如京詩為天寧聰公沉滯至今年六月

龜巢葉卷六

轉託發還故作此并元詩寄鄭

一詩代折送行柳半年竟墮無何鄉祇應沾酒謝不敏尚謂

道術能相忘高堂談經多士集澄江濯纓清書長為問襄陽

兩者舊歌鳳曾無說楚狂

寄謝楊純夫兼簡陳高士

客來飲客北海樽客去送客東陵門不嫌襪襪留信宿各出

肝胆聆話言三日雨救赤地旱百川水作黃河奔賦詩為別

并志喜兼簡太邱賢祖孫

聞袁子英著書作詩寄之

我所思兮耕學翁壯年氣欲吞白虹眼看陵谷一變改此心

乃與寒灰同硯田筆耒耨經史不稼不穡勤於農我衷我彘  
得所養錫類且欲來羣蒙恭唯至聖草六籍爲世大法垂無  
窮楊墨溺人甚洪水孟氏距之成禹功秦以申商漢黃老六  
朝接迹淪虛空緇黃愈出愈荒誕冠冕鞠躬趨下風韓歐間  
出數百載鳳鳴朝陽羣羽從中間洛建繼洙泗卓彼二子能  
折衝雄詞至今凜生氣宜從孔道追遺踪東將入海乘艤幢  
長江大河無遏壅老夫獨恨雙眼矇不與觀日扶桑東

贈衡隱居

我昔母年垂九十帶經犁鉏粗供給伊今有母八十餘孝養  
之聲動鄉邑堂前晡晡忘憂花屋頭翩翩返哺鴉林宗若識

龜巢彙卷六

六

茅季偉薦徵定徹天王家

題漁人扳盞圖

大橫峴東芙蓉湖水村高樹屹兩株漁郎曳盞坐樹下短衣  
緇撮赤髭須此圖無乃貌此景東隣西舍皆菰蒲吾嘗過此  
看春水桃花雨晴春日晡漁郎含笑語厥子鰕魚肥似松江  
鱸街頭米貴魚亦貴賣魚日糴供家脯只愁水面重租課風  
飛健卒頻追呼道租畢輸榜捶脫前村有酒仍須沽猶勝麻  
食致奇稠坐受斧鉞連妻孥夜來湖上好明月醉吹蘆笛歌  
烏鳥人生之樂有如此此身安用紆青紫漁郎漁郎知我乎  
我亦烟波老釣徒

溪居垂釣圖

磻溪老父興西周釣竿棄擲鷹揚秋富春先生赴東漢羊裘  
幾被朝衣換人生出處各有時如魚飲水魚自知釣鉤無餌  
釣清泚若人彷彿玄真子好山滿眼青屏顏清風綠樹滄洲  
灣悠然意態極瀟灑酒豈是尋常釣魚者浮波之龜如出洛漁  
郎睨之龜弗卻賣卜覓錢人正多七十二鑽將奈何不如且  
曳泥塗尾相伴幽人弄烟水細看元在畫圖中多言莫笑痴  
猷翁

管伯齡惠書并和詩故復次前韻答

芙蓉湖照橫山影蓬蘽門開曲徑通半載目昏渾不出一經

龜巢藁卷六

九

頭白未能窮論交半是漁樵者訪舊多於夢寐中說與故人  
能信不頽然黃鵠化鳧翁

維揚王有恒辟亂居東吳三十餘年所至寓舍以聽雨  
篷名之多學能琴而善飲醉則鼓琴自娛故自號曰  
醉琴然鄉土之思亦嘗於琴發之子蓋相聞而未之  
識也吾友釋仲翔專書爲求二詩遂爲之賦

聽雨篷詩

昔年家住揚州市雨聲不入絃歌耳居吳聽雨三十年客舍  
如篷臥篷底篷窗晝暝雲抹漆滴滴點點疎復密絕似瀟湘  
夜泊時半襟風波想蕭瑟有時聲急如建瓶有時珠玉聲琤

玳屋山使作舵樓倚兩耳洗來心骨清心骨之清豈不好一點鄉心忘未了天中玉樹無雙花夢魂日夜長飛遠只今二十四橋月依舊玉簫聲不歇一帆風送到瓜州聽雨孤篷聲又絕

醉琴詩

張顛草筆常醉揮以頭濡墨愈神奇醉琴之妙亦應爾穎師乃爲徵吾詩琴中佳趣知者誰麴生爲我同襟期千鍾百斛迫古聖五音六律洞玄機一襟宇宙春熙熙七絃冰雪風颺颺得之於心應於手如魚飲水非人知鈞天廣樂醉鄉境悉以所樂鳴金徽高臺自傾池自廢雍門枉爲田文悲我歌醉琴行持贈醉琴叟小春多釀梅花酒我來與君酌太斗濯足滄波太湖日時聽醉琴爲醉友

龜巢藁卷六

三

海萍爲詢無言作

大海多風波浮萍茂根蒂嗟爾海上萍似我人間世前身白楊花寺不墮泥滓化生江漢間朝宗隨衆水出沒幾沙劫全此清淨體所以無住着默契宗乘旨芥子納須彌吾知同妙理

挽王氏祖母

母在重聞鶴髮垂孫爲能吏鶚書馳二三百里去鄉國七十五年稱母儀李密陳情方有表張林絕德未成碑斗城昨夜

西風急吹折萱花帶雨枝

次韻酬陸子文見贈

故鄉不願衣錦歸亦不願入承明廬願言結交天下士腹有五車今古書還家十年空兩手釣竿之外餘何有白雪如雲橫滿山薜蘿三間大於斗浪川雙鯉來新吟詩中意與秋俱清雄豪氣敵劉夢得喜無郊島愁窮聲嗟哉風雅久不續老我山林成朽木金盤秋露玉壺冰洗去胷中塵一斛覓官應笑明河篇託物可擬石鼎聯先生識趣出塵表鞭策後進追前賢東望吳門長太息舊俗繁華復因襲太湖三萬六千頃七十二塚湖水側何日攜將麴秀才登臨共醉姑蘇臺眼前

龜巢集卷六

三

一事特可喜湖山清氣鍾羣才先生三薦胡不起濯髮滄洲弄烟水遙遙齋出華亭侯甫里高風更無比只今奕葉多流芳東床嬌客名尤香呼兒整我遊山屐早晚去從潘孟陽

次韻答集講主二首

欲尋石上三生約姑待梅邊十月春結社東林無奈遠寄書南雁豈辭頻平生賴得詩書力朋輩多如骨肉親元伯九泉呼不起擬將雞黍一沾巾  
千墩南浦水迴環一颿西風路不難骯髒曾於堂上坐禪袍能禦客中寒可憐學劍身今老祇有湛書與未闕傳語心知數君子小春來借早梅看

冬至卽事

一簾紅日雨初晴客屨駢羅送復迎賀節本非三代禮隨時  
且喜一陽生齊奴金谷財爲害楊相冰山勢易傾可似酒杯  
長在手青山相對適閒情

冬至前二夕憶次子林不寐枕上賦詩將成忽其母夢

中作聲憾而覺覺而喜言夢林烈塘舊居作湯餅畢

垣居室事懽甚因用其語爲是詩結句云

去年臘月初九日發朝天階又一期鄭校頗聞衿佩集歐詞  
應作送迎詩久無書信來黃耳每有親朋問白眉阿母夜來  
曾夢汝甘分仍在舊西枝

送楊純夫歸琴川

龜巢彙卷六

三

杜子客長安行囊本枵然得錢沽酒覓鄭虔不嫌官冷寒無  
羶邇來六百有餘載世道多隨陵谷改身爲今人心古人清  
風高誼依然在嗟我如鄭貧蒙君愛如杜雖無三絕才樗散  
頗自喜一從傾蓋意相得頭髮不知誰白黑衝寒觸熱每見  
過愛我西窗好山色援毫或和龜巢編解纓或濯龍井泉常  
言好古絕類我外物多忤中彌堅低頭甘立矮屋下高論直  
到羲皇前朝來賣得凌雲賦麴生車載來相顧門前尺雪凍  
不消風木吼如虓虎怒宿宿信信傾腹心言欲拏舟抵家去  
呼兒更酌罄餘懽贈別殷勤抒情愫我昔居吳十年九君歸

煩君訪諸友吳山醉處好湖山鄉人來作軟腳局且對春風  
開笑口街頭米賤酒亦賤一百青蚨滿雙斗儘判連日醉如  
泥百憂盡付無何有人生窮達各有時阿衡元是扶犁手詩  
書豈徒守章句言行正須傳不朽珍重林居慎厥修好音慰  
我思悠悠

雪篷爲蔡子堅作

鳴夷紅載西施去遺臭五湖烟水路嘉爾吳淞雪一篷江水  
曾無尤物污篷窗洞開天雨花棹樓屹立冰爲柱鵝鴨不驚  
柔櫓鳴鷗鳧渾在平沙聚非熊無夢釣無餌如琴無絃得琴  
趣虎頭能爲畫漁簑鹽背無勞覓詩句潮州阻雪八千里抗

龜巢葉卷六

三

書直諫曾何補殘氈留雪十九年使節堅持亦良苦雪篷之  
樂樂於天雖欲同人人弗取獨有山陰王子猷清興頗堪同  
日語

過顯慶寺

六載重來釋氏家一甌新啜趙州茶杏花風後春何冷栢子  
庭前日未斜拄杖賴能扶潦倒闕文煩爲補楞伽要聽說法  
頻來往且喜平橋路不賒

書潞城樵舍壁

燕子來如舊兩桃花笑爲何人竹下青苔不掃恐教鶴步生

塵



贈黃仲器

予觀道書謂洞庭山有林屋洞天仲器以避兵居之既而過雲間適海上復還常之橫林閱歲月三十年距洞庭三百餘里仍以林屋自號示不忘也徵予詩故厯叙其遊息之概如此云

一目九州皆戰場避兵林屋水中央林屋仙人不知處橘井委棄青霞漿木奴包金亦致寇人乃隨雲出岩岫五湖三泖放孤舟遵海幽尋采三秀堪輿再造隔兩塵故鄉來歸能幾人芙蓉湖上大橫峴烟連綠樹橫林春解裝付與箕裘子管領春風桃與李幅巾自作逍遙遊別有行竊修竹裏一童出

龜巢彙卷六

三

入長相隨款段之馬亦不騎林屋別來陵谷移時望白雲猶賦詩膏梁文繡俱不喜猶曰愛之心未已堪笑老夫同此心白首論交結知己何當呼起李謫仙每飲一斗吟百篇殺青盡伐南山竹賸錄好詩娛暮年

悼許君善

谿西老人山澤癯一生祇以詩爲娛常言愛詩入骨髓好詩鈔藏千百紙七言近體尤權作不費工夫細瑣削嘔心每笑李家兒牛鬼蛇神何足奇老夫初焉未相識數篇不知何處得稠人廣衆誦吾言說項過於楊巨源一朝傾蓋千墩下膠漆相投不相舍西隣假館兩年春買宅移家情轉親此時吳

門正堅壁張角未死人相食雲梯砲作霹靂聲狼烟暗天血  
滿城吾徒幸若王官谷朝夕吟紫芝曲桑田變海噓吸間  
死欲丘首歸橫山暮雲春樹勞遠憶十載詩筒仍絡繹重來  
桑梓甚蕭條巷有索租人叫鬻骨冷九原呼不起一酌悲歌  
續蒿里嗟哉時俗貴輕肥如子愛詩人亦稀

贈王仲昭父子

扁舟入吳空載月閭丘虎丘俱不謁停橈再拜范公祠楊花  
正落祠前雪義田義宅二百年義聲洋洋天下傳嗟爾吳之  
人胡不踐遺躅貪夫婪婪昧盈縮前車後車屢顛覆下床兩  
屨內雙足奚用領軍鞋一屋我來訪舊無所將贈以范公博

龜巢藁卷六

吳

施之義方家傳更須授賢郎福澤將來未渠央吳淞江水長  
藍青母我忘

挽吳逸庵

廓然一襟涵宇宙鍾氣會稽山水秀春秋高似伏生年岐伯  
諸書口傳授浙水西來家屢遷名與杏林俱不朽老去居吳  
抱雙膝四顧狼烟暗如膝兒能負米百不憂有酒卽呼人共  
吃常時隱几看青山醉則齁齁枕琴瑟廿年同飲淞江水通  
家之交親戚比別來恨無縮地術時復論心書一紙只今祇  
與阿戎談翁在九京呼不起

李明善慈竹軒

吳淞江南益浦曲慈竹軒開薜蘿屋了無花木鬪紛華一徑  
波光照猗葦纖塵不滓蒼玉叢枝葉葉皆清風一年一度  
冬夏笋冬生其外夏其中德哉此竹美如許子母交相禦寒  
暑嗟哉人爲萬物靈溫淨幾人能似汝吾知吾友此軒居朝  
夕奉親來板輿母慈子孝默相契更喜君子能威如樹萱堂  
上分甘樂諸孫錦綸如錦籜家僮笑指青琅玕少長喜與俱  
平安令名亦同千古垂咄彼鴟鴞兒人面刀劍腹不學返哺  
烏頑然忘顧復嗚呼吾不知其見此烏兮何面目爾何日兮  
視吾竹

簡湯道原曹子壽

龜巢藁卷六

三

予生頗好古恐兒輩不能繼述敢請二賢相與語之吾兒  
觸屏煩爲警省旦夕稍閒煮茶專待

要學劉伶死便埋隨行負鍤欠興臺螢生腐草光能幾螢在  
南柯夢易回一笑預言身後事兩賢聊共掌中杯貧居何處  
堪鋪席流水窗前好綠苔

過橫山龍祠作

橫山龍母祠前路人說今年祭龍苦前期邑有皂衣來督遣  
丁夫剪榛蕪里胥中有豪家郎搜搜如鷹矚如虎癩氓一呼  
六十人棄擲犁鉏行或沮十家之甲最可憐背血淋漓遭捶  
楚囊無一錢供百需肥膂豚如買烏粘手傾麥斛此珠斛剗

肉成瘡誰爲補膏常大嚼過屠門今乃閭閻割鷲股吾聞此  
語三太息郡邑安知弊如許祠官稽古垂令典穆穆緝熙由  
聖主聖心寬仁重民食三年兩度蠲租賦天生感孚和氣洽  
日暘而暘雨而雨報功於龍歲有祭禮若迎貓恩更溥龍兮  
龍兮知不知如此嗟來食應吐

皇恩蠲租詩

洪武庚申天下秋糧欽蒙全免今年壬戌秋糧夏稅又皆  
免徵征繇聖恩寬大亘古無比故畊稼之民歌謠滿野  
而某則併以區區所聞者作詩以紀盛事

漢紀蠲租半遷書汗竹竒大哉今聖主全以惠羣黎量與乾

龜巢藁卷六

天

坤合恩同雨露垂豐年魚有夢丹詔鳳重來庶富民生遂敦  
寬俗習移微毗皆鼓腹窮士亦揚眉古制成均法新頒釋奠  
儀雅音諧律呂名教泱華夷茅茹今朝拔英髦靡一遺八荒  
仁壽域萬世太平基水有清河日山無爛石時時雍民皞皞  
年耄我蚩蚩不作輸芒蟹真成曳尾龜倚墻歌此曲擊壤付  
吾兒

林在新鄭縣學六月公文來取其子視疾七月初四日

壇言別而行付家信外寫此

一聞汝有河魚疾三宿心如野馬馳遠阻恨無人縮地吉占  
賴有卜言龜眇生稠漆粘雙眼身兀枯株坐有脈預寫蓋棺

遠矚去好傳經業佐明時

送沈居士同豈往新鄭

二千里外視吾兒重九日前期汝歸坐臥待看黃蕊綻往來  
相伴白雲飛郵亭歇處加飡飯客路涼時早袂衣無限老懷  
言不盡臨岐目送思依依

賀袁一泉陳大方新任道紀司官

山中宰相古來有地上仙官今更清夜半光生雙劍出秋高  
氣感九鍾鳴丹霄拱極星辰近黃道經天日月明立札書中  
多妙理政須獻納佐隆平

賀聰聞極正心印新任僧綱司官

龜巢藁卷六

无

象法提維付偉人聖皇綸綽命諄諄手持正印天龍護身着  
方袍雨露新旭日斗城衙有鼓清時渴浦鏡無塵墻東病叟  
頭如雪也喜曇花並得春

山中贈天甯寺無學長老

報恩扶起法幢來鍾鼓天甯講席開道出語言文字外卓然  
聲價自崔嵬

麻衣疏屨古人風儷葉駢花一掃空八萬四千修月手斧斤

隨入象王宮

賀府官重修多稼亭

朝家重下蠲租詔郡圃聿修多稼亭一帶金湯增氣概四郊

禾黍勝丹青甘棠風作婆娑舞橫岷雲開翡翠屏斤斧聲中  
勸農意爾農豐樂正須聽

周節婦詩呈府縣官

瀟湖水出自崔溪大江潮來溪口西江潮湖水接連處節婦  
姓陳周氏妻良人早世舅姑及抱雛日夜號空闔盡拈套具  
易喪具衣有淚血鬢無笄績麻絡絲紡且織破窗夜雨風淒  
淒孤燈照影伴寂寞寒風夜雨聲酸嘶煙塵遠避東入海兒  
方長大能鉏犁時清歸守舊桑梓荆布蕭瑟茅茨低青絲兩  
鬢變蒼雪皎如玉樹無纖翳前年縣官帖鄉里核寔上府文  
可稽老夫近聽路旁語聖皇德與唐虞齊天語諄諄爲天下

龜巢葉卷六

三

求賢悉上青雲梯閭閻未見旌表節門前草沒青苔踐願言  
宣聖化郡邑罔俛側陋薰蕕迷旌善亭中名一題恩同璽書  
封紫泥佇看俗習接武皆麟蹄

再贈衡志道

世俗以甘旨奉養者爲孝溫淨定省之禮鮮能之今寒區  
衡氏兄弟三人皆善養其母其伯兄志通禮意之勤老  
而彌篤冬月則以身溫枕席雖大風雪母不知寒能此  
一事可配古人况爲美乎故作此續前所贈詩以補其

闕云

雞鳴雪屋起居安魚出冰池食飲懽最喜兒能溫被席慈闈

冬盡不知寒

寄馬馱沙陳糧長

老龜獨巢蓮葉秋元龍高居百尺樓長江只隔衣帶水佳景  
宛在蓬萊丘一年時序換新曆四海弟兄懷舊遊竹君寫我  
歲寒意聊作梅花寄壟頭

送曹德昇赴批驗茶引所

山無猛獸水無蛟邑里春來樂意饒部集茶商新箬籠墟添  
酒施古溪橋赤心報國年方妙黃耳還家路不遙珍重清時  
用刀筆平陽遺澤豈寥寥

謝新鄭縣官助葬亡子并以志畧送去

龜巢葉卷六

三

去年孟秋初天旱火雲熱吾孫奔父喪病軀深行血陸行  
二千里跣踵若跛驚歸來秋盡時黃埃滿衰經詢言父襄事  
從頭爲細說一衾覆黔婁家人影單子喪具百無措宿儲瓶  
亦竭幸逢賢縣令賜贈意切切擇木製美棺敦匠夜不輟寮  
案同哀傷祭奠豐且潔青青諸佩衿感化重禮節是猶風偃  
草弘綱賴提挈吾知賢令心高誼等前哲無錢及元振有則  
與同列無麥及堯夫有則與合轍悲哉我中子黍稷兩葍月  
眷言古東里圖經自來缺編蒲載前言辛苦磨硯鉄草創十  
八九放筆成永別手澤存於家歲久恐亡滅鈔書送棊堂公  
餘賜披閱韞櫝皮蠻舍無爲醬蒙設有作家手織錦爲補

綴姓名蠅附驥九泉應感悅矧知葬埋恩甯無報銜結老夫  
懷謝言縮地恨無訣殘喘苟朝莫鳥能見酸蔑坐馳仰崧高  
心聲吐嗚咽

述懷

雙眸半瞎耳全聾年及新豐折臂翁孤陋一生樓白屋虛靈  
方寸炯青銅人如禽犢真堪恥家有詩書未是窮但願太平  
田野樂九原高臥聽松風

人日和前韻二首

曾聞社酒可治聾榭榼分來謝里翁才子儘磨韞硯石貴人  
多佩虎符銅人前出語羞稱好杯後爲文錯送窮連日昏昏

龜巢羹卷六

如病蟹不知春到棟花風

三

林居霍髮老痴聾彷彿忘機海上翁留客但沽隣舍酒鑄錢  
安用蜀山銅一年春色花無幾千古川流水不窮誰謂東家  
錦衣樹龍顛虎臥夜來風

寄南澗海萃二講主

東土西天今幾華南能北秀本同家門前弟子齊腰雪案上  
經文五色霞袖拂古墩行傍柳餅分春水坐煎茶遙憐丈室  
俱清絕屢夢幽尋適興餘

寄張仲安舅甥及邵濟民許叔遠

去年艤棹千墩浦澆酒伯倫墳上土伯兮伯兮呼不醒仲也

愛子仍眼青最喜諸甥多似舅戀戀之情無不厚東陵瓜田兼種藥杏林仙人與同樂箕山之瓢今貯詩雞林賈人知不知老夫別來八九月憂患多端鬢添雪負米不歸悲中了我盆又鼓酸風起傷春不欲向人言恐人忍聽衰號須最苦雙眸失岩電近日看書渾不見兀如枯蟬壁常面隙有微明潜且眩阿兒呼來滌塵硯代筆題詩簡羣彥

無錫華景章以塘東陸先生所序乃祖玉溪義士之文

徵子詩故有此作

猗歎古聖賢饑溺視由已聖賢久不作人多饑溺死天曆年中歲薦饑老夫身親耳目知操壺枕籍委溝壑烏鳶飽食狐

龜巢卷六

三

狸肥適逢郡縣無良吏狎弄文核等兒戲義倉和糶百蠹生殊失先民救荒意吁嗟玉溪翁高義孰與儔黔敖之粥活鄉里立解倒懸危急秋指困不結當世交易量不效前人尤盡令菜色作喜色如渡弱水登蓬丘嗟哉玉溪翁往事誰紀述鄉人口碑傳四方塘東老手春秋筆老夫知名五十載更喜牆東文字在義聲洋溢流至今又闕桑田變滄海天生孝孫念厥祖禮樂趨踰繩祖武丈夫不憂無萬鍾要爲顛厓救辛

苦

唐君舉挽辭

早年讀律如五經案頭夜炤練囊螢學成能展四方志當路

縉紳俱眼青神州赤縣坐蓮幙贊畫雖勞意磅礴青雲拾級  
步徐徐腰纏不跨揚州雀邯鄲夢斷楊花春桑田變海宇宙  
新歸來東陵剪荆棘故侯誰識瓜田人竹林小阮差可喜爲  
箕爲裘奉甘旨青松宅邊紅稻畦白雲亭上烏皮几四時花  
木手自栽客來看花常置醴有時寂無語蒲團醉處禪有時  
曳鳩杖朗誦逍遙篇得鹿門龐公之安比濟南伏生之年生  
平有如此死去真悠然薤露歌或可鐫此歌便作碑銘傳

過無錫口號

客舟無錫道中歸聽唱吳歌淚濕衣泰伯墓田耕穀鯨偃王  
祠廟走伊威二三策在遺芳遠千伯年來舊俗非詩寄瓢齋

龜巢棠卷六

詩

老詞伯吟邊同爲一歎歎

題魚樵共話圖

爾樵斫青山爾漁釣滄洲世事百不聞此心兩悠悠道旁馳  
檐渚泊舟促膝面語何綢繆想論會稽人衣錦或訝桐江乘  
羊裘人生窮達各有分曷不嗒然自作逍遙遊

贈醫士錢伯祥

杏林老仙山澤耀幅巾逍遙曳長裾達人善作青白眼有子  
能愛岐黃書酒對玉峯傾鑿落丹成金鼎養芙蓉焦桐挂壁  
斷絃久藥杵聲中樂有餘

題扇

青山滿眼氣蕭森茅屋人家烟樹春客星多擲漁竿去誰復  
扁舟釣碧潭

題子昂竹石圖

玉堂歸來鬢欲絲漚波亭中清晝遲竹君石丈意相得不時  
爲作無聲詩

安安道人歌

僧坊旅宿崑山縣夜讀安安道人傳似將秦鏡作斯文道人  
肝膽都能見早年學劍欲有爲車塵馬足曾驅馳蕉隍夢斷  
竟失鹿葑田乃耕東海涯安知遜名逃未得射弓旌招論觀  
德諸生遊藝集如雲儼如風詠從曾誓歸來自喜安其安一

龜巢葉卷六

五

室視同天地寬鹿門龐公與同志妻子不知行路難傍人問  
我安心訣非佛非仙非臆說纖雪不滓沉寂天水湛霜潭照  
秋月家居四壁莓苔青柴門雖設晝亦扃年來豈獨樂吾樂  
堪輿俯仰真清寧有時得錢卽沽酒明月清風作三友宵澆  
磊塊去卽休不學淳于論石斗嗟我碌碌者婆娑歌無勞赤  
松遊只在青山窩挂瓢樹下躡跚舞歌聲繚遶青桐柯羣雄  
自奏卷白波安居之樂奈爾何

遠綠亭爲惠聚寺瑞芝年作

道人愛山常目接無復經繡貝多葉碧天低處見絕頂蒼石  
爛來知幾劫清風一洒六合塵瀾須芥子等法身諦觀有色

若無色大地盡作曇花春

宿崑山延福庵

葉舟來訪漁樵社  
蘭若適逢龍象羣  
屋近玉山多潤色  
林藏寶地絕塵紛  
玄壇坐到三更月  
高枕眠分半榻雲  
鍾鼓聲中鳴般若  
老夫堪笑耳無聞

題崑山縣主簿先塋圖

舊家衣冠麟角族  
陰陰榆柳連鄉曲  
佳城父祖馬鬣封  
鬱鬱松楸在吾目  
養親弗及奉庭闈  
居官豈敢懷蕨薇  
二六時中公務畢  
三千里外歸心飛  
出言不作雌黃口  
臨事不爲高下手  
琴堂喜得佐絃歌  
俸米支來供俎豆  
高懷炯如寒露壺  
連步陟彼青雲衢  
兩莖銜土集義烏  
更遺丹青添畫圖

龜巢葉卷六

三

題竹枝雀圖

覆車之粟衆喧呼  
爾獨忘機入畫圖  
荆棘叢邊林有竹  
一枝何異鳳皇梧

題玉峯書舍圖爲俞彥智作

婁江水接東海洋  
崑山玉立摩穹蒼  
江山城邑美如畫  
之子卜宅山之陽  
邯鄲夢斷歸來後  
詩三百篇長在手  
尙將古疏補蟲魚  
復以今人校蚪蚪  
門前小溪流水清  
畧杓不通車馬行  
奚童甕汲供茗盃  
鷗沙席坐尋詩盟  
才多轉覺讀書好  
春兩庭生書帶草  
時稱狂客醉鄉遊  
罔俛仰明專賀老

題畫魚圖

魚在在藻或在淵隨波泳遊同一天會得莊生濠上意畫圖  
詩史總難傳

題畫竹 顧挺之子作

父作子述爲竹傳神筆意古淡靈犀絕塵品題者誰龜巢老  
人

題雪竹圖

此君立雪清復清老夫見之雙眼明琅玕恐折驚棲鳳三嘯  
虎頭風欲生

絕句二首寫延福山中客况寄止庵長老

龜巢集卷六

七

一榻清風偶借眠白雲長繞枕頭邊客來題遍芭蕉葉我亦

留詩謝老禪

風幡交動曙光搖蔬筍分甘到客寮最喜松聲秋瑟瑟月餘  
忘肉似聞韶

一般春

希希古高士詩言一般春以詩諡攸居夫豈尋常人一般春  
意何在莊生論天倪托物肆迂怪列子說混淪其言極夸大  
老夫請以理折衷慎勿謂我胡公之中庸古今先後旣始終  
洪纖高下俱流通芸芸萬物生意遂盎盎兩間和氣充鶯鶯  
燕燕妙歌舞花草草紛青紅孤松或落幽澗底三秀多生

糞壤中步仲尺夔天運轉戶啟百蟄雷音同崔長鳧短分自  
一敢以私意窺神工一般春意如此朱絃暉桐奏流水洋洋  
自入知音耳小車高閣邵堯夫隨柳傍花程伯子針芥相投  
肝胆合祇應絕倒東風裏白雲先生知不知同姓乃有此白  
眉老夫宿昔愛此詩四百餘載人無之頭髮雪白雙眼眇也  
來摸索珊瑚枝

風波詞

家住橫山古澗阿孰知平地有風波一壺爲濟中流急可奈  
無金報爾何

洪武十六年夏五余寓崑山延福庵蒙李無逸冒雨見

鞠篋囊卷六

庚

訪且邀午酌以尋二十年交好之盟席中聞余茂本  
通政談玉峯志饜版無逸能力爲之高義可喜別後  
作此詩以贊其美并致謝意云

老夫著書雪滿顛秃筆埽盡松煤烟書成無人爲傳刻明珠  
暗投三十年玉峯有志今雕鐫公乃下榻邀羣賢魯魚亥豕  
盡滌濯銀鈎鐵畫森戈鋌婁江風物靡不載一邑快觀人爭  
先知公高風雅量振頽俗令名當與書俱傳澱山湖邊五畝  
宅芙蓉錦城耕稼田多情念我久離別風雨遠來書畫舫開  
樽行館話夙昔屋角雨聲飛瀑泉爛烹鷄肉軟炊黍特憐老  
齒令相便草堂之資送杜甫遙知破屋窺青山別來東望澱

山月再盈再虧今復弦鷓雛出穴皆五色門墻桃李春俱妍  
無由縮地共攜手寄詩并送思賢編

賈人自挽

齷齪龜巢翁飄蕭烏角巾干戈二十載幸爾全其身平生得  
三樂此去棄六親青山爲我宅白雲爲我隣寄聲謝相知母  
勞爲酸辛  
生爲無用人死作無名鬼生死天地間區區等螻蟻商人自  
忍饑楚人從赴水長鑱付兒曹持以字妻子將來事無涯且  
免聞吾耳

挽張溝南

龜巢藁卷六

五

故人家住江之陰江城草堂花竹深蚶盃喜作眞率飲鳳管  
不殊韶護音中郎有女可傳業萬事無復縈吾心於乎一歌  
兮一悽愴白璧如今空黃壤

故人墓在君山下黃絹碑辭更親寫風流不減賀知章軒昂  
有如稽叔夜秋風蕭瑟宿草青過客知名多下馬於乎再歌  
兮再思之誰能爲我追騎箕

故人生來天骨奇抱才不試清名垂山陰道士竇遺墨雞林  
賈人傳舊詩寒家夜夜屋梁月顏色宛然前別時於乎三歌  
兮三大息歌聲未斷還相憶

山月次韻答張子才去秋見寄

子才名朴卜  
海石浦人

懷哉博物張茂先淞江太湖烟水連舊藏篇翰合雙壁新發  
焰光驚四筵菊花不濕重陽雨汗竹應書大有年教子一經  
還自讀林居幽趣想依然

感年

咄彼新豐折臂翁偷生年與我相同世無兵革真難遇家有  
經鉏未是窮兒子冷官成覆水老妻春夢逐飄風獨憐未畢  
全歸願兩目昏盲耳更聾

天有眼

風波起平地胥溺無可援荆棘生大途跬步不得前清朝赫  
赫嚴紀律汚吏婪婪弄刀筆翻雲覆雨妙若神白日青天暗  
如漆天有眼視必明何忍覩此世人之不平轟雷尙擊黨碑  
碎炎霜豈不飛闔扇惜哉延陵好州邑叫囂之聲雜號泣龔  
黃卓魯幾時來解我閭閻倒懸急

天有耳

腹中或有劍對面難隄防笑中或藏刀轉頭多中傷人形獸  
心險莫測擠人火坑猶下石東隣西舍苦牽連爺娘妻子多  
狼藉天有耳聽必聰何忍聞此人世之不公恢恢天網或汝  
漏百靈未必皆痴聾嗟哉尼父無復見治長非罪誰能辨况  
有讒夫口鑠金將謂蓋高人聽遠

寄越書處士

春風有花隨處看不勞快馬走長安春山有藥皆可采何用  
樓船渡東海老生常談人所忽門巷蕭條青馬沒埜居隱者  
獨知言乃曰與我心同然垂簾丹室清如水賣卜君平絕相  
似得錢沽酒長滿壺談笑樂與親朋俱金谷飛蛟暫時聚靜  
遠何如埜居趣匣藏三尺古吳鈎幸無龍光驚斗牛焦桐絃  
絕挂空壁洗心只用床頭易忘年之交三十春於我義同雷  
與陳千墩別來耳目疾兀如朽株門不出六經家業恨無傳  
教兒只讀原道篇有懷欲得語同志東飛恨不生雙翅牛鬼  
蛇神雖孔多青天白日奈人何願言正已斥邪說始終一念  
堅如鐵寸膠欲澄千丈渾厥功有無宜莫論

龜巢藁卷六

望

和任義甫重陽絕句三首

西風拂我菊花筵霜落蒲萄酒甕前  
弓勁馬肥烟瘴歇雲南  
將士正開邊

題糕醉筆吐天花風景蕭條興亦嘉  
多少玉門關外客故鄉  
一望一咨嗟

休官陶令果何聊不赴江州太守招  
天上無人能送酒浮雲  
空作白衣飄

九日志喜

黃花無雨笑相看青女初霜未覺寒  
天上編氓增負版雲南  
征士解歸鞍市沽斗酒錢三百隣送  
栳美物九般最喜叫囂

聲不到來朝雞犬得平安

題松溪釣魚圖

看花不躍長安馬濯髮滄洲結鷗社千岩萬壑一絲風豈是  
尋常釣魚者月滿船水滿川月在水中光不濕人於舡上坐  
青天魚乎魚乎自悠然只今吾亦忘吾筇

大林庵主眞公往宜興參弘辨禪師回途跌傷其膝作

此間訊

石頭路上悟玄機跌破泥丸一笑歸從此不須盤膝坐臥看  
來往白雲飛

天界藏主銘祖心歸常州府護國院信至龜巢作此代

簡

龜巢藁卷六

呈

偶著青鞋出薜蘿竟參白足坐盤陀龍蟠虎踞江山好燕去  
鴻來歲月多言別石城歸舊隱笑將磚鏡爲重磨松枝東長  
烟霞喜我亦滄洲舞釣蓑

題高士觀松圖

賢哉陶元亮休官撫孤松之人坐松陰高興將無同楚楚烟  
霞裾澹然冰雪容安知洛陽道車馬正憧憧

尹泰春玉峯舊隱圖

春風夢破邯鄲枕三徑歸來掃白雲藏壁家書還自讀排衙  
縣鼓不相聞內交林壑蒼髯叟比德冰霜抱節君熱客不求

心似水滿庭空翠落紛紛

王仲昭挽歌辭

千墩之陰益浦曲鬱鬱蔥蔥烟樹綠五陵豪氣適銷亡此地  
人稱小金谷中有琅玕玉一株枝葉扶疎鸞鳳宿鴝鵒夜啼  
飛木上九頭血汚玲瓏玉飛廉怒從天上來東走扶桑西若  
木歸除妖物靡孑遺玉株亦拔移荒服八千里外雲南地煙  
瘴偏方魍魎俗道經七譯路幽險澤有神龍惡薰觸洪浪掀  
天霹靂飛幾作湘壘葬魚腹丹旆歸來窆鄉土華屋高丘生  
死足纏麻痛泣桑梓悲淚痕多似湘江竹嗟我東西南北人  
愛爾瑰奇曾刮目鄉無旦評勿爲少令名在我思賢錄嗚呼

龜巢藁卷六

墨

青山紅塔道鄉墳誰復相期薦秋菊

贈醫師張有成

嗟哉延陵古城郭舊家喬木秋蕭索先生詹壽氣如春借問  
平居果何樂笑言吾樂得於天燕饗不勞鍾鼓作一從無夢  
見周公青箱五經束高閣便便老腹只醫書頗學挂壺人賣  
藥藥囊得錢儘沽酒兒舞斑衣我杯勺有時出郭看青山手  
策筇枝曳芒屨楊子江頭瀉湖口晞髮滄洲吟杜若歸來一  
曲焦尾桐今古閒愁總忘卻老夫喜聞心與同以言相贖仍  
相約東門之東劍井西蘿屋數椽雲一壑肯爲雲山數見過  
樵飲漁歌良不惡人生百年能有幾但看花開與花落世傳

仙人上天騎白雀荒唐謬悠言不作請從先生持筆削

崑山辛彬甫元夕前旅次岑寂作詩懷之

魯魚一洗版圖編徑着麻鞋從上天七里八岡風雨夜誰家  
燈火對愁眠

贈呂克明

馬鞍之山玉嶙峋氣所鍾者德潤身古人已矣不可遇今人  
多躡青雲去中有一人冰雪姿青雲垂翅歸故枝老夫識面  
三四載但見才華發光彩去年訪舊山水鄉乃聞孝行非尋  
常兢兢持身親所喜爲親不惜殘肢體親存盡懽喪盡哀哀  
號淚濕三年縗嗟哉天質美如彼移家恨不居同里歸來細

龜巢藁卷六

四

與吾兒說檢身自謂誰優劣緜駒處齊齊善歌東瞻玉峯奈  
遠何

寄畊學袁先生

新歲又人日故人無嗣音數詩曾倡和半載孰浮沉笠澤鷗  
盟在蕉隍鹿夢尋吾今洗吾耳聽此絕絃琴

自和感年

軒軒黃鶴化鳧翁老態如今變亦同幾度出門遭鬼笑一生  
徒壁坐詩窮掃松先隴清明日杭葦官河舶趁風春怨忍聞  
啼蜀魄旁人爲我喜痴聾

逸庵詩

代膠山徐伯樞作

士學而仕猶力於農三時服勤乃逸於冬當勤之時以稼以穡鹵莽滅裂施報勿忒未勞而逸君子所憎勞而不逸君子不能於昭令典致仕有期一日必葺罔政或隨時之至矣銜恩過歸逸於而庵亦孔之宜其容舒遲其行遂適含哺鼓腹樂乎雍熙莊曰大塊逸我以老是用作歌以爲頌禱

清澹子詩

世味尙濃郁清澹獨有水窻慾養吾心汪汪亦如彼柔頤良可羞菜根有餘美凡爲君子交當知肉食鄙

題趙典史家藏聰聞極所畫水仙

有人宴坐風泉室水仙之花照佛日水鷗滌筆爲傳神不着

龜巢藁卷六

星

織塵浣清質山簪是弟梅是兄涪翁品題非過情紅蓮幙靜簿書暇時一覽觀心眼明

題松庵圖

因查續

吾聞張子房漢家初封萬戶侯便從赤松方外遊又聞陶隱居華陽高住三層樓尙愛松風聽不休從遊松子或假託請聽松聲眞可樂古人今人同此心老去栖遲必岩壑白髮左司諫赤心天子知君恩養老歸草木增光輝今觀畫史貌清致想像爲作松庵詩青山崔嵬青松離奇三間薜蘿屋四壁莓苔衣前營燕雀來賀喜中林猿雀還相依山中服食何所有松根茯苓大如斗拂松輕於白玉塵松醪香似黃封酒座

有嘉賓樽不空每日共澆談笑口不言不笑默相契平生久  
要蒼髯叟向來百卉腓且衰偃蹇不受冰雪欺尼山聖者無  
復起歲寒後凋誰品題春風牡丹洛陽市華屠金盤鬪奢靡  
車馬遊觀人似蟻但說姚家之黃魏家紫那知松庵之樂清  
如此

送任義甫之京

放卻滄洲老釣竿送將圖籍上長安朝霞爛爛日初出熟客  
紛紛路未乾七里八岡鳩杖去三山二水鳳臺看薰風解愠  
今猶古舞袖歸來語所懽

辛彬甫自京城回過東洲田舍極言曾覲天顏之善舉

龜巢藁卷六

吳

酒送別詩以賀之

一百十戶一版圖兩三箇月兩赴都親承天語拜闕下喜得  
風帆歸海隅到家且聽華亭雀斫鱸旋買松江鱸鄉人爲作  
軟腳局衆樂不妨如大醺

悼護國寺昇東谷和尚

憶昔桑田變海時法幢扶起歲仍饑諸方乞食供緇侶十載  
開堂响白槌香火石龕獅子像紗籠塵壁老夫詩客來今兩  
仍留宿誰向東園折露葵

六月初一日亡室初度感愴而作

白髮三千丈齊眉六十年今朝煮湯餅爨婢亦潸然

六月望自潞城回東洲書目前二事以示親知庶闡者  
張氏尚有感焉

緹縈贖父謁天子聶嬰痛弟哭屍死親親義重不顧身千載  
流芳著青史今人豈無骨肉親冷眼視同行路人朝家旌善  
作亭子誘我薄俗令還淳吾詩相勸非相訐不信汝曹之心  
真是鐵

次韻錢彥學見寄

頻年歸計果何如九龍之山駒谷虛山中流泉若有語遲子  
續修鴻漸書

三十年來山上山詩名流落五湖間歸尋鉤斧南泉老隴有

白雲相伴閒

龜巢葉卷六

畢

萍水相逢記昔年馬鞍山下屢周旋羊裘不脫魚竿老彷彿  
嚴光也自賢

一榜三魁我舊都如今文盛說中吳詩窮不用論郊島風雅  
揚揚有大涂

梁谿如鏡照羣峯勝地生才淑氣鍾想像鶻冠人未老金莖  
露洗玉芙蓉

桑柘東風叫伯勞犁鉏南畝課兒曹一枝樂與鷓鴣並阿閣  
那知有鳳巢

春秋九十是明年禮樂三千夙志衰訪戴未能移剡棹和陶

猶欲繼坡詩

題天葩雲液軒

識馬不須論牝牡相人但欲知賢否我愛天葩雲液軒中人  
賢在一真無矯揉戴星出入公務勞退食從容樂詩酒紫毫  
之筆吐天葩得意如看長安花白螺之盃瀉雲液破悶絕勝  
陽羨茶謫仙九京不復作一斗百篇誰其樂藍田哦松人亦  
好座無杜康殊落寞我詩我酒興不孤風月溪山皆畫圖  
中磊塊盡澆去方寸炯如冰一壺愚聞孔公醉決事勝人醒  
孔公何人哉希之卽齊名期言請爲座有銘酒德有頌政有  
聲詩聲更作韶鈞鳴

龜巢集卷六

四

壽任義甫

十月十日

曾看青海變桑田又歷黃楊厄閏年抱膝面山西牖下科頭  
背日午簷前中郎有女能傳業僕射無兒不怨天八十春秋  
雙足健隣人喚作地行仙

次韻彭知縣以公事如宜興過瀾湖作

百川水溢東流急天風捲雲如卷席雄鳩呼雌鼓晴雨且喜  
人無雨淫疾官舡挂帆出湖去乘風破浪無衝激舟人笑指  
一足鳥也作玲瓏退飛鷁山無猛獸水無蛟陽羨往來人絡  
繹蓬窗柱笏看青山佳句鏤成忘盱食令乎令乎匪遊遂聊  
爲湖山窮眼力瀾湖飛渡不崇朝東瀝沙湖又深入彼疆此

界犬牙地概用朝家律三尺人言行路古來難範我馳驅自  
無失寄言勒移畧椽筆分我餘光照隣壁

懷吳中衡心友

老去多蒙故舊憐客來喜得信音傳書能教子醫傳業居欲  
依仁宅屢遷赤米白鹽瀕海地青萍綠綺博山烟曾聞靈素  
多曾註好擬詩家作鄭箋

代簡張子才

遐想張梨谷相望吳野居馬鞍長在望魚尺久無書七日陽  
來復三年月閏餘芸邊生意動君子意何如

王有恒秋初貽書約

龜巢藁卷六

吳

舊雨曾來今復來故人懷抱亦佳哉黃楊樹厄三年閏緹室  
葭飛六管灰文有焰光皆李杜情如膠漆卽陳雷燈花有約  
鷗盟在莫負柴門埽綠苔

龜巢藁卷之七

元謝庶芳撰

族孫蘭生參核

詩

龜山祠詩

卓彼文靖公蚤立程門雪載道歸東南統緒賴不絕鳳鳴朝陽能幾時朝棲瓊林暮棘枝歲晚空江卜居此毘陵草木爭光輝邈來陵谷一再變烟滅灰飛舊書院殘碑斷礎落誰家應作寒碓搗霜練南山北山禪者流鍾鼓雷鳴塔廟修儒衣儒冠亦不少孰謂好賢無二周龍鍾老諸生不言忍色羞甘棠樹下吐肝膽愛禮可得存羊不羊存禮亦存所願或可酬

龜巢藁卷七

渠渠一畝宮依然對滄洲將使邑人知有東家丘駿奔籛頭

祠春秋

簡曹谷賓

往昔政和間結交先君子時葉公子承蔣公子舟諸良友數嘗文會於九華隱者周先生之家其書札之妙聲詩之佳今皆不可得而見矣區區追憶故交輒成韻語寫去谷賓吟几爲後會張本云

清交早結先君子博學自謂無恒師草堂詩史擬欲續蘭亭字書將並馳百年陵谷變更日四海弟兄生死時舊家南獻埽如電獨愛羲之又有之

冬至日方欲以老况自述孫垣來侍傍說江陰陳庠仲  
袁仲徵二公倡和之娛區區坐馳用成足此詩以代

折簡

耄矣又逢長至日悽然聊作短歌行一妻一子竟契濶兩目  
兩耳幾聾育里中尙結雞豚社江上豈忘鷗鷺盟珍重暨陽  
雙白璧慎毋輕用易連城

江陽鄭教諭以詩見寄褒美太過且聞時赴京考績因  
山聖父次韻以餞其行

大君立極揚威靈麾斥百家尊六經出圖之馬出未已來儀  
之鳳來不停萬方皆效華封祝諸將已勒燕然銘化風覃被

龜巢葉卷七

二

族麟趾聘物遠來監虎形雄州巨邑並庠序歌臺舞榭無優  
伶先生橫經虎皮席弟子立雪梅花庭延陵躬耕地井井尼  
山聖父碑亭亭正逢海內興賢日豈使江湖老客星泮宮芹  
藻得佳趣隣封草木沾餘馨龜巢一老辱篇翰鱸魚幾時瞻  
典刑趣裝又欲覲金闕飲餞愧無雙玉餅淵清冰潔知者衆  
會有孫邕薦管甯

予以小爐閣坐臥安煥名之曰熙熙壘天孫壘到江陰

語劉小齋先生蒙蒙篆書四字見其筆畫清勁可喜作  
詩報之乃翁濟齋先輩能篆隸而文爲鄉郡所稱詩

中故追美之

昔在金斗城晤言卽相違今觀玉箸篆神氣不少衰澹翁心  
畫傳師承古人誰秦相漢中郎始欲肩相隨舊家冠蓋里密  
邇延陵碑右意師聖筆真蹟吾何疑正如善相馬而忘牝與  
驪懷哉楊子雲載酒當問奇奈無縮地術龍鍾空坐馳

王蘇周節婦陳氏吾甥也早寡賴其母撫恤之恩爲多母卒  
且以語付託吾夫婦攜之避兵居吳中十有餘年白  
髮來金首歸里一生艱苦老夫獨深知之故書此以紀其畧  
哭夫未了又姑嫜獨抱遺孤涕泗滂奩具賣來營葬具不憂  
寒餓死空房

龜巢彙卷七

三

南山石爛海揚塵風雨飄搖笠澤濱嗟嘆渭陽田舍老辛酸  
同受十三春

狼烟未息歲仍饑蛟室相鄰地亦危長夜點燈機上織明朝  
換米釜中炊

戰骨縱橫歸路迷烈塘疑是越來溪良人地下應憐汝不作  
王凝斷臂妻

裙裾藍縷著簪折鄉井蕭條草屋卑節孝兩全頭雪白儔能  
說與史官知

臘月十四日風雪極寒大林菴主僧以佛廬落成

冰雪堆中作梵宮磨磚布地與金同何當放下南泉斧坐聽

松杉萬壑風

落落龜巢翁間鷗社叟雷陳十年交雲水三江口在昔鷗  
沙結社時盟鷗之詞我筆之吟風咏月意相得絕似伯牙逢  
子期朝亦詩暮亦詩詩興動來忘渴饑松江太湖墨淋漓雀  
汀鳧渚生光輝毛髮雖秋霜光風自懷抱不虞白石爛但覺  
滄洲好一朝陵谷俄變遷我歸耕我延陵田衙宛塞海笑精  
衛抱怨思家隣杜鵑鷗社叟軟雙腳晏然不受功名縛社鷗  
尋盟還可樂第我途路遙來往難如昨前年訪戴踐重約舟  
到山陰眼生膜黃庭不寫贈籠鵝蒲葦醞醉旨且多舡頭送  
別誦佳句且知步武追陰何音書從此不復得我心孔竅皆  
茅塞清夜悠悠思故人夢裏依然見顏色客來聞死半年久  
偃偃不能將絮酒悲歌爲探驪龍手三日悲風動林莽

龜巢彙卷七

四

次韻答袁仲徵見寄

大江南岸衆山蒼岩谷深藏寶劍光江上風波來袞袞山中  
歲月去堂堂能承書業千金產喜有童孫咫尺長杯酒正須  
朝交醉無勞更覓解愁方

四皓圖

四皓圖間過海東雷刺十平交雲水三山日

天風吹斷紫芝歌四皓皤然出薜蘿不用勒兵呼左袒安劉  
孰與絳侯多

飽茹山中紫玉芝，姓名誰徹九重知。濟時陰有回天力，震器安然不動移。

瓜隱爲崑山邵濟民賦

藥壺舊懸紅杏林，瓜廬今住清江潯。南柯太守了無夢，東陵故侯同此心。灌園自捧漢陰甕，抱蔓別作黃臺吟。老我坐馳三百里，何由縮地重相尋。

簡袁耕學先生

馬鞍山開龜甲屏，泉比之席講六經。一年不見朶雲字，三月又看花雨零角巾。小像固垂白野史，巨編方殺青。宜有詩筒繼前輩，使我晉鄙沾餘薰。

龜巢藁卷七

五

寄熊元修

操別廿五月昏毫，而受罔於人者多矣。詩言此謬，餘從可知。一笑之餘，必蒙警敎。

愛子腹便便，逢人問孝先。悞傳烏鵲信，剛道白雞年。鷗社詩千首，龜巢稿一編。何時重攜手，相恤話夔蛟。

次韻酌陳庠仲見貽二首

鳳凰阿閣自新巢，鷗鷺滄洲只舊交。百里雲山人契濶，一簪霜雪髮蕭騷。忍看雨溷堦前蟻，伯說風掀屋上茅。樽酒談心宜有約，誰家竹裏借行庖。

春申巷上老人村，家有詩書敎子孫。白首竟能安菽黍，丹心

豈不合乾坤諸生問宇車載酒滿地落花童掃門且喜年來  
亡世慮不時杯勺醉昏昏

又和袁仲微陳庠仲去冬所寄之作

腐草煜煜螢火生枯梨紛紛山蠧行可憐身病道亦病猶喜  
目盲心不盲溪山相望數年別松竹歲寒三友盟何當相對  
文字飲似昔盃簪金斗城

壽蕙拙齋

蓬萊水淺鍬舡歸城郭人民半是非且喜春秋今七十能知  
六十九年非

天開壽域大無疆林下幽棲樂且康不須更覓長生藥昭代

如今化日長

龜巢藁卷七

六

芳茂山前種玉田芙蓉湖上采蓮舡東隣西舍蓮花竹渾是

桃源一洞天

一襟秋水心無競滿面春風睡自乾可惜時無吳道子畫圖

傳向邑人看

菖蒲花開香滿庭簷旌簾旒風冷冷高堂燕客作生日紅頰

紫髯雙眼青

今吾故吾知不同朱門無復挂桑弓但將一斛葡萄酒淨洗  
平生磊塊骨

金作狻猊炳寶薰桃笙如水客如雲榴花不用纏頭錦也學

吳姬舞絳裙

燕雀歡聲新第宅溪山佳景古丹青琵琶自製玲瓏曲彈與

龜巢老子聽

拙齋之拙意何如天賦惺惚本有餘欲識顏曾愚魯地一鞭

希翼莫躊躇

舊家青瑣什襲藏雨兒班衣長侍傍人生可樂有如此一日

可比三十霜

昔人謂積憂成陰陰積成雨今陰雨之久且多竟不知

何憂之積以致然也淺陋之詞姑識歲月時乙丑夏

五望後九日

龜巢藁卷七

七

常年五月衣輕葛今年袂衣猶未脫一天陰氣冷如秋溪山

黯澹烟雲稠有時雲罅曜靈出頃刻朱光暗如漆商羊飛來

作人舞羣鳩醉甚渾無語雷聲虺虺雨浪浪一雨十日夜亦

滂人家屋壞十八九床頭泥淖生蚪蚪疑是彼蒼媧石裂天

河水漏何時竭補天無術正憂心水鄉之田俄陸沉常州地

接蘇湖境青苗在田知幾頃農人惜苗如惜兒苗死一時真

可悲全家老稚仰天哭天若垂憐天雨粟不然歲饑方薦瘡

里胥催租將奈何

贈時義夫

生民天降衷所性無不仁物欲肆侵蝕乃底失本真嘉爾鴻



百書不如一見面此語信然何未然燈花有約半年久桂子  
已落中秋前東門種瓜抱溪壺西齋爚茗剡山泉少遊鄉里  
樂如此應笑鳶飛瘴海天

寄伯樞

東膠山人不出村南州高士之裔孫十年曾作螻蟻夢四壁  
祇有莓苔痕松分女蘿補茅屋洞引乳泉澆藥園別來幾度  
屋梁月顏色宛然清且溫

寄丹陽孫秀民

翩翩白雁秋風涼紛紛白蘋秋水香官河兩堰隔三舍旅次  
一違今十霜菱芡練湖秋大熟莓苔劍井夜無光故人知我

龜巢藁卷七

九

老痴否年似伏生書盡忘

懷京口俞伯鎮

鑊甕新城舊隱居江山勝槩畫圖如五條街口多輿馬萬卷  
書中老蠹魚道合不妨鄉土異情親可奈信音疏杜鵑花與  
人俱好珍重題詩一寄予

洪武乙丑秋新鄭縣學以通經薦吾孫塏移文本縣徵

召赴吏部塏於六經有望洋之嘆且欲辭而不可得予

以孔孟之書列乎九經塏嘗受業故臨別示此數語

書中勗之

猗與古聖賢遺言存簡編孝經及論語孟子書七篇載道繼

六籍煌煌日星懸斯文覺斯民千有五百年汝生家辟兵九  
經失青瑣借書二三策教汝朝暮間大哉孔孟學曾如管窺  
天還鄉願卒業奈汝多屯蹶竭求誰薦鸚通經乃虛傳往哉  
詣春官從寔吐肺肝絲麻雜菅蒯博采豈舍旃天朝恩惠寬  
茅拔茹或連立身報君親慎勿違聖言

送楊景子以通經薦舉之京早實又與雷顛  
亭亭青玉桐孤生秀中林雨露得所養歲月亦已深良工拔  
奇才獻作羲皇琴繫以朱絲絃鼓之丹鳳吟八風宣九垓令  
人格非心鄭衛化韶濩太和無古今吾將洗吾耳朝夕聆遺  
音

龜巢藁卷七

十

和楊景子韻冬至

隱隱鐘聲出景陽陽生望闕賀朝忙勲名有日印如斗舞蹈  
今朝靴滿霜咫尺天顏春色喜輪囷雲物瑞光長錫錢張宴  
宸恩厚一舉眞堪累十觴  
冬至後五日承郡齋文會翼早賢長史置醴欵洽且有  
贈言次韻奉酬并謝不敏

文章太守誰同樂幙府賓僚如李郭坎蛙誰信有奇逢鼓吹  
敢隨東海若枯腸喜得酒一澆枵腹母勞筴三縛獨憐澗底  
老孤松春風膏雨徒優渥

初度作

重光之冬湯餅客孟光相對頭俱白吾兒樵雪中歸來擔頭  
還帶詩三百詩歌熾艾壽觴舉呼雀塔前舞瑤翩安知此後  
境多乖五載家門毀雙壁行年今與伏生同兀若枯株雪霜  
厄樵兒遺孤主黔簿四千里外勞相憶我昔蹉跎四方志每  
見柔弧有慚色願言膏雨發孫枝先世衣纓復輝赫皇天於  
余賦亦厚才散如樗壽如櫟高語言聲耳尙聞墨白分明眼  
猶識四肢百骸筋力微頭容與心依舊直响噓素不學松喬  
道理偷生正何益曹橫山下青松宅含笑全歸待朝夕山銜  
乳酒如密甜笮簪寒魚鮮可食家僮荷鍤日匆忙爲我插花  
且吹笛自今每日從歡伯龜巢養天適吾適斷送子生眞上

龜巢集卷七

二

臥雲歌爲華景彰作

我昔所喜青雲人雲梯登登上星辰餘如風花落藩溷伊人  
可仰不可親只今老我成枯朽愛爾岩棲臥雲叟白雲一壑  
數千畝且無租稅論升斗悠悠我如雲寂寂雲伴我雲無出  
岫心吾無洞門鎖一榻偃仰得自如兩膝屈伸無不可布爲  
被非難能我被以雲如白綾本爲枕我未曾以雲枕頭時曲  
肱床無上下亦無客別有意氣非陳登飛鳶跼跼自炎海夜  
窈穽帳清於水佳哉叟之所樂者如彼今人古人誰可擬華  
陽陶隱居段簪謝朝市山中作相心未開剛道怡雲豈無

愧華山陳處士大笑脫塵屣鳳皇街書空往來熟睡雲臺終  
不起願言學陳毋學陶此身長與雲逍遙萬松嶺上老禪衲  
形服雖異同清高况有煎茶好泉水活火煎來味無比詩腸  
搜出烟霞語不異不全人共喜老夫耄矣少筋力尙欲去著  
遊山屐細掇月團雲滿甌分臥石床雲半席幽懷爲我一宵  
領免使相望兩相憶

晉耳郡侯以蘭行年九十以詩見贈敬次韻歷叙平生以鳴  
謝臆

延陵野老家業儒舊壁頗有先人書童年愚鈍不努力涉躡

五經多缺如二十而冠三十娶取友必端無佞諛春秋四十

龜巢藁卷七

七

五十餘髮猶未白顏猶朱才如襪線不知恥光範門前曾自  
譽六七八十成潦倒興來尙復歌吳趨今年九十常晝寢誰  
敢効尤扳宰子雲山萬疊作圖畫松風一壑鳴笙竽雙眸漸  
昏耳漸聵面壁寂寞如僧居焉知府公特尙齒贈以大篇明  
月珠老夫得之感勤渠雀躍拜起不用扶合室稚老俱歡虞  
十一月廿七日得塏口信以詩志喜并記臨別祝規之

意

賣橘人從采石還口傳家信報平安路經湖北雖云遠天近  
雲南不甚寒佐令謹持三尺法尊君長秉寸心丹驛橋臨別  
叮嚀語應念貽謀作鏡看

自和同前詩於次年正月十三日寄黔陽

四千里外之官去百丈牽江舸艦安新沐恩波從日下舊家  
門地不冰寒洗心正在詩書澤換骨毋勞內外丹新歲僕歸  
正二月家書細寫阿翁看  
守臣好未心與童顏許晉山  
興音簡陳子章先生兼大宛無聲空谷將馬書圖寒山中賦  
身不封萬戶侯眼不識千金裘深衣幅巾避戈矛往年零落  
崑山州兵餘還鄉理西疇臺笠播種襪襖收今將蓋棺萬事  
休但欲服飾如前修先生舊衣巾暫爾可借不縫人合古制  
素願吾乃酬飄然長裾泉下遊藍縷免致先人羞生前相往  
來二老亦風流

橫山歌壽萬拙齋

龜巢藁卷七

三

橫山之巔青入雲冠冕一邑無與倫山南風景最佳處隱居  
豈是尋常人此山鍾英三百載素封不乏青瑣在向來吳下  
辟烟塵恨不移山東入海還山喜得無崩騫種玉舊田畊紫  
烟雲屏正設後堂後空翠直灑前坐前觀雲每日烏皮几灌  
闕有時龍井水人家雞犬寂無聲宛若桃源畫圖裏山中羽  
人王八百昔日仙宮今佛宅丹砂未必駐童顏把酒看山眞  
上策山乎山乎德不孤靜而壽者山爲徒美哉山禽知此意  
石榴枝上呼提壺我歌橫山歌未了拙齋爲我開懷抱移宮  
換羽作新聲彈入琵琶歌更好百斛葡萄爲傾倒

屢年作小詞或詩爲萬拙齋壽癸亥夏五予以鄉人嫁禍兒輩往崑山救之時有詩曰

予懷紫髯翁新作綠瑩堂堂常年初度日嘉賓四筵張虛左待老夫酌我九醞觴甥孫舞鶴鴒絲竹鳴鳳凰情與酒俱深飲量非汪洋今雨獨不至應憐走他鄉峩峩馮鞍山絕頂遙相望橫山一髮青瀾浦西日黃想像祝眉壽有如賦高堂

留別永懷寺長老暨袁子英余茂本通政

歸吳十載前一宿永懷寺龍鍾今兩來鹿苑廢如此佳爾山中入法幢扶欲起清風方丈室白日靜如水門迎老詞客問我來何自忘形亦忘年相見卽相契坐殿趙州茶並隱維摩

龜巢葉卷七

十四

几爐薰清我心乳供便老齒鈎簾看玉峯山色亦爲喜新知多邂逅咳唾珠玉美白首莫遂交獨有子袁子德星聚叢林草木亦韓韓我思古先輩支許或可擬兼旬數相過偈和不知幾庭前石榴花半落蒼苔地長揖謝山靈歸袂沾空翠

陳德廣知事以自壽之詩見示予以其災字韻險不和乃效唐人和意以壽之故落句如此云

哦松未了險官去隨例放閑恩更多父子一經傳有自桑蓬初度樂如何門裁彭澤先生柳籠養山陰道士鵝最喜孟光眉案舉捧觴嬌女把香羅

德廣喜予詩和韻見貽予復答之卽三月十一日繁霜

異於頷聯書之非虛語也

繭紙寫來詩句好雞林傳去古人多  
花開三月春如許霜落五更寒  
奈何留客正須沽綠螿引年何必餌金鷺  
六街車馬紛馳逐自喜蕭齋雀可羅

次韻答華以愚見寄

九龍山東舊宅遷一瓢齋裏曲肱眠  
賢如栗里陶元亮閑似香山白樂天  
倡和正須歌白雪丹青何必繪凌烟  
竹林諸阮多才俊文會何時共酒舡

哀詩

鐵船海上遠移家金斗城中蔗境佳  
我昔頻來桃竹杖公方

龜巢葉卷七

十五

新種木蘭花書因教子時常買酒欲娛賓  
夜亦賒春夢一場隨蝶化老夫三嘆立鷗沙

東西家

東家賣兒哭幽咽西家鬻妻含淚別  
形容總覺瘦如柴肝胆那能硬如鐵  
低田水沒欠秋租今年夏租麥更無妻兒  
舍我莫怨呼我亦忍饑朝暮俎

重午日小酌

青年自是好遊者白首始知行路難  
一寸芳心徒似鐵數莖禿髮不勝冠  
樽偶有菖蒲酒菰黍香於苜蓿盤  
莫笑貧居輕速客餘生能得幾團圓

五月望日寄江陰陳庠仲

一別半年久相望百里間陽春知寡和落月見清顏醜酒澄  
江上題詩小石灣龍鍾還念我時復夢追攀

同日寄袁仲微

申浦水東頭悠然客馬周焦桐絃白雪芳草席滄洲昨夜三  
更雨今朝五月秋有懷飛不去烟樹鬱相繆

曹文質自金壇來云費延年教諭傳語且知告老而歸

閑居可喜因作此詩仗簡

我思故人松栢顏客來寄聲蓬翟間鱣堂講學竟將老鳩杖  
拜恩今樂閑清風枕簟五柳宅白雲圖畫三茅山雲舟未得

龜巢藁卷七

十六

見安道乘興豈無詩往還

鄭朝宗教諭以予去冬初度自壽之詩次韻見貽予復

和而贈之

憶昔予爲廣陵客兩頰丹砂眼青白蕃禧觀裏看瓊花坐列  
羣英杯飲百無何陵谷忽變改塌然斂我扶搖翮此花天下  
更無雙毒手誰焚夜光璧先公舊物廣文瓊家傳喜得無艱  
厄抱琴來坐杏花壇洋洋古操令人憶青瑣坐久槩愈清君  
山草木皆愉色老夫今春辱佳句轉眼炎曦又隆赫郢斤非  
不妙彫鏤奈何吾衰腐如櫟生平甚愧性聾齟老去偏懷舊  
知識孤舟野渡豈長開一壺會有千金直合懽杯酒細論文

恨不能飛見三益江流南滙春申浦海門東入陽侯宅河鮪  
江鯨鬪鮮新肯齎之盤自朝夕鬻舍安如廟堂坐脫粟甘於  
鍾鼎食耽我郊居樂亦然朝聽樵歌莫漁笛忘機相與白鷗  
眠送窮不效昌黎伯假令秋至轉饑寒亦不題詩寄高適賢  
哉子淵可矜式陋巷安貧載方策

六月初八日雨晴懷毛伯尚

去年五月涼如秋今年六月寒颼颼重雲晝暝雨連日田家  
復恐沉西疇朝來日出溫風起歲不薦饑人共喜貧家四壁  
屋滿痕彷彿篆書千百字忽憶山中人讀書兩眉白能負仲  
由米曾漂高鳳麥高堂養親侍親側我衣斑爛親喜色有時

龜巢藁卷七

七

諸父竹林遊彈琴詠詩尊俎席人生此樂古人少今乃熊魚  
兩兼得老夫每問書帶草鄉里小兒渾不識但道墨硯池水  
漲苔衣碧苔衣碧池水香思若人兮不能忘長林豐草春茫  
茫青松礪底含冰霜鯉魚不隨白石爛鳳鳥有時鳴朝陽停  
雲之詩歌未足立蟬爲我聲相續

哀詩

雀長鳧短總非悲聽我山陽笛一吹黃耳再無前日信丹心  
獨有上天知送行南浦成長別歸臥東山悞有期吾老未教  
僮荷鋤劉伶應笑阿翁痴

讀大誥作荅歌二首

天語諄諄禍福靈風飛雷厲鬼神聽挂書牛角田頭讀且喜  
農夫也識丁

一天風雨洗塵昏日月恩光及覆盆雞犬不驚田舍樂

人不到鄉村

鵲溪之水涵浦分一灣繚繞梅花村窮冬萬木凍欲死此花

歸若靈光存清如西山采薇孤竹子白於華陽洞口嶺頭雲

隱居者誰希夷後人持一編種樹書戴一幅漉酒巾有時醉

飲肱佯枕老瓦共眠梅樹根有時不醉百事理可與孔公同

出羣青鞋布襪駭奔走今年早春朝至尊紅雲殿前三舞袖

龜巢葉卷七

六

歸來滿腹懷絲綸諄諄語憐里切切教子孫子孫不能力耕

稼徵輸能爲公家勤編氓租斛足萬計雞犬不驚安我親短

檠燈火讀大誥喜色夜夜燈花新颯裊滿篝秫田熟熟釀百

榼醪醺春親朋簪盃坐常滿湖鮮日日擊豐冷胸中不著愁

半點雲夢八九能鯨吞東隣西舍靜如水夜無催科人打門

安居樂土有如此何異武陵人說桃花源老聃戒止足願言

尊所聞濁水膠可澄清鏡塵乃昏秋風挂席一相見此意吾

將三復論

贈周彥美

象賢有子付青氈家住城西綠水邊門柳數株同舊日公租

萬斛喜豐年試聽濯足滄浪曲應笑燃臍鄢鳩烟朝夕酒杯  
長在手優游身在飲中仙

簡王尙綱

不笑皤然謙九流牽車服買思悠悠醉吟人老香山社詩到

雞林價重不

贈詹伯遠

西北風高寒露零牽蘿補屋樵柴荆看雲長日烏皮几夜夜

教兒讀孝經

示孫壇

龍門一躍去年秋徑着青袍赴遠遊半部魯論堪輔世政須

龜巢藁卷七

五

忠盡繼前修

黔陽江水不勝清喜得居官濯爾纓秦鏡照人肝膽見邑民

盡在鏡中行

黑頭勲業志方雄黃耳書歸見面同斷織機中垂白母抱孫

時復倚門東

春雨秋風歲又寒翁年近百足蹒跚橫山菽粟東洲水多在

行窩樂考槃

初冬感懷令垣書所居屋壁

在昔陵谷變海上十五霜歸棲失故隣乃落劍井傍百指薤

荆棘糧鉏破天荒東洲釣月磯橫山樵牧場一葦去復來十

月新稻嘗攜幼入寢門淒然北風涼吾兒婦發居我孫官遠  
方筠籠雀何之益菊花自黃跛倚赤藤杖終日徒俛偃

初度衰以爲藥杜撰古樂府三章而令諸孫誦之老夫

聽之比之挽歌者歌蒿薤於柩前豈不樂哉

龜巢老人忘食貧歲時強欲娛賓親賣琴沽酒作生日蹲鴟  
爛蒸鮭菜新承歡幸有斑衣人君不見古人云酒盃不到劉  
伶墳杯行莫厭頻

龜巢老人貌不揚觸邪之性如神羊生憎巫覡煽妖妄疾視  
聃竺隳綱常毫無能爲龜六藏滄浪曲窈窕章有時擊節呼  
兩郎男兒當自強

龜巢葉卷七

二

龜巢老人年紀多雞皮雀髮背橐馳金丹自古無足信鐵硯  
如今亦不磨坐待蓋棺歸薜蘿春有相巷有歌此時不樂成  
蹉跎殘生有幾何

樵海歌爲秦文仲先生作

出山志云遠樵海名非誇老夫素相知高風眞可嘉早年欲  
仗廣寒桂增月清輝燭天地又欲會稽雲夢伐箭竹人無戰  
鬪遭鋒鏃汗青六經天下讀此志適蹉跎陵谷俄變改青山  
樵侶集如雲一笑飄然東入海任公舊日釣魚處樵屋相隣  
蛟室住扶桑若木有餘薪且喜路無荆棘慮水底珊瑚樹亦  
多尤物不堪開眼覷樵擔弛樵斧歇濯足滄洲弄明月興來

擊節和龍吟唱我海樵歌一闋也不學負薪讀書朱買臣也  
不識臥薪嘗胆是何人白螺爲杯大如斗青苔席地軟如茵  
有時獨酌爛醉枕柯斧睡到日高三丈猶醺醺夢魂不到長  
安市長安市上多羈旅米珠薪桂莫能賒多少伯桃寒餓死  
孰知海樵之樂有如此

寄溧水開福寺長老源別流

客有溧陽雲水僧相逢曾得問南能九重日月恩光近一壑  
燭霞道氣增龜紐肘懸新賜印塵談語續舊傳燈別來老病  
時相憶欲覓金篦刮兩脣

悼徐孟銘

鼎巢叢卷七

七

讀盡軒岐上古書幡然讀律應時需一官再調炎州幙二豎  
交攻瘴海隅賴有故人收白骨歸來鄉國瘞黃墟杏林花落  
紛如雨何樹哀啼五尺孤

臘月十六日夜篝燈作兩書言不盡意夜半後欹枕對  
月口占言懷命兒輩錄上耕學伯齡元修三先生南  
澗海萍二講主清真一鍊師暨諸吟友

照天蠟燭徒明月縮地神仙是子虛九十二年殘臘盡二三  
百里故人踈詩成唐律傾懷抱書託吳儂問起居老我形容  
都變改依然貧似馬相如

任義甫生日作絕句四首以鰥居無子貧病爲憾子乃

以理釋之誠如吾言則不必怨天尤人而處之泰然  
兄有遺孤骨肉親堦庭玉樹一株春駿奔籩頭非無主傳襲  
箕裘未是貧池有紅鱗堪入饌杯浮綠蠹可留人高年已過  
磻溪老每日懽娛莫厭頻

贈蔣居士

全家欲學老龐禪木榻蒲團夜不眠誰信室中靈照女出門  
先上渡頭舡

贈袁居士

羹牆欲見老瞿曇貝葉書中日夜叅布襪棕鞋門不出一盂

疎食勝肥甘

羈巢葉卷七

七

正月旣望予奉陪邑長貳置鄉先生之祠於學釋菜而  
歸兒輩謂故人楊澤驪過訪臨別作長短句貽之余  
因口占以紀鄉校中盛事并寄楊爲後會之約云

喜聞邑有絃歌宰哦松之丞更文采翁然敬我鄉先生祠諸  
學官儼如在區區後學尊前賢駿奔執籩忘耄年深衣幅巾  
拜禱下燈月交星光滿天扶僊歸來語鄉曲此事眞能厚風  
俗安知好客過柴門載殺問字成虛辱吾兒不識冰玉壺但  
言此客從前無醉墨淋漓贈佳什沂雩興與曾爲徒老夫此  
興亦不淺尚怯落梅風剪剪少頃一百五日來蘭皋蕙晦光

風轉三山湖頭舴艋舟百花莊上逍遙遊朝陽碧樹自鳴鳳  
湖海詩盟尋白鷗平生頗恨少知己晚有奇逢甯不喜朱絲  
重繫焦尾桐請爲鍾期奏流水

水田歌歌農務也郡縣之政租賦爲急然農乃租賦之  
所自出可不急乎首言三山書所見也一府四縣意  
在其中惟當道父母官念之芻蕘有詢更當面陳其  
太平 詳以備采擇

三山湖頭白水田頽岸不修年復年田家豈不憂卒歲十室  
九空人索然饑腸雷鳴狀如鵠春來怕聞啼布穀願言州縣  
父母官喻令蛇足憐夔足古云民事不可緩桃花雨晴春正

龜巢藁卷七

三

暖文移動若風有聲畚鍤如雲集不斷三農吠晦合羣力四  
邑溪山增喜色麟史重書大有年官無負租民足食龔黃卓  
魯政績成一九遷皆上卿天子萬壽黃河清聽我老農歌  
太平

無錫昇佛像由暨陽而來鳴鑼鼓豎旗蓋儀從僭侈家  
至以禍福惑人取粟帛無算東洲任耆老沮之巫不  
水孫被毆且以杖塘木偶幾躓而後去鄰莊有王氏者  
重幣請撻而逐之予聞而喜乃力病援筆書此以美任并異

其義理之勇云

梁公段滌祠真是霹靂手胡公能打鬼近代亦希有區區辨

惑編或有蒙醬甑潦倒東家丘忽爾發哮吼老拳毆妖巫拄杖擠木偶西隣一壯夫怒挺擊羣醜捐袍偃旗蓋脫網免疾走時予病中聞病去什八九昂哉爾東家內省宜勿疚報本理所崇毋落豺獾後一正勝百邪昔賢同不朽

題打毬圖

擊鞠流風自李唐官家占作狀元郎科場廢盡毬場在芳草  
樓臺幾夕陽

清明後一日邂逅爲福寺長老源公語舊論詩意甚相  
得明日作此詩代簡

貧如南阮甘投老喜得西枝近贊公白足有僧聽說法江梅  
無閣坐觀空詩成芳草斜陽外道在殘山剩水中一笑相忘  
今古意清明時節舞零風

沈德麟母哀詩

怪底吳霜三月繁一朝摧折北堂萱母儀表表真堪畫吾輩  
區區豈易言斷織機中多教子分甘膝下並呼孫慈顏最有  
難言處獨立蒼茫日暮門

洪武丁卯年詣烈塘祖墳祭掃恐朝暮卽世子孫不知  
所葬者爲誰且追念墓松在昔爲邑里諸宰木之冠  
感愴寫情并圖葬穴以示兩子及孫使識之以永其

百年兩度桑田變三世十年蒿里同華表前時曾駐雀長松  
何日再蟠龍情鍾寒食蘋蘩外淚洒春暉草莽中老我客鄉  
歸不得空勞杜宇喚誰農

次韻答江陰鄭教諭見寄

楊子江南山水奇杏花壇上晝陰遲魯魚亥豕讎經史江黨  
河魴閱歲時兩邑相望三舍地九年凡寄數篇詩恨無縮地  
仙人術把酒論文醉不辭

葉道士遊仙詞

海變兮揚塵折若木兮風斤翳坳坳兮寓世仍猿鶴兮同羣  
寇切雲兮霞佩雜三秀兮蕭艾從喧囂兮萬籟聊遊戲兮方  
外混混兮和光忽蟬蛻兮坳堂陵虛空兮轍渺茫一瞬息兮  
三千霜吾不知其果何適兮祇死守乎康莊

挽萬拙齋

曹橫山下萬家莊喬木陰陰夏亦涼法曲琵琶彈鉄撥高堂  
窈窕捧瓊漿素衣忽被青蠅汚赤手幾遭猛虎傷賀客木還  
來吊客老夫雙淚洒淋浪

閏六月廿九日飄風動地自黎明掘起破屋拔樹衆皆

不覺驚懼至夜方息次早余追念疇昔憮然作歌

三家村裏老詩翁獨木橋邊一釣蓬敗壘曾聞屯狗寨荒渺  
猶說是龍宮勢傾東海前年兩力撼南山昨日風可笑生來

誇壯膽兩番如阮吳途窮

葛節婦

葛節婦家住崑山陽芳年二十良人亡呱呱兩兒泣蘭房一  
在襁褓乳口黃塵昏破鏡無復覩孤燈相伴慰淒涼霜風自  
冷木自落辟纒不知秋夜長重門深閉四壁立縷麻淚濕三  
年喪維時率土皆戰場疇能訓兒知義方熊丸在篋螢在囊  
呼兒叉手立侍旁魯論二十篇孝經十八章阿母授讀聲琅  
琅母不姑息兒能自強從師不出鄭公鄉腹笥有書牙頰香  
朝夕悅親萱草堂母今年踰五十霜菽水可歡時且康觀風  
使者恐未知邑有野史揚芬芳玉峯父老來比德衛其姜我  
言其姜無此兩兒郎哲哉此母非尋常益亦作歌與史相激

龜巢叢卷七

七

寄清真觀提點余復初

祖餞昔年詩最好客來今雨話玄都步虛壇上三花樹讀易  
窗前九節蒲恬養氣同龜息靜清修容膝雀形癯儒林老友  
袁徵士曾道區區折簡無

伐簡吳中衡

一夢今年一去年兩番相見兩相憐牽蘿補屋仍徒壁賣藥  
修琴又斷絃瀉浦夕陽紅樹下淞江秋水白鷗邊何當載酒

乘秋興來往風流似雪船

寄題詹伯遠蘿屋

大車方檻檻小隱自寥寥門掩牽蘿屋溪懸掛樹瓢一從滄  
海變屢卻小山招瀉浦居相近城闌路匪遙洗心常翫易忘  
肉似聞韶苔徑春風埽瓜田夏雨澆姓名編令甲踪跡混漁  
樵蚪蚪藏書種蟾蜍作研僚訓兒燈火夜飲客歲時朝清白  
眞能守緇黃不妄交苟焉田野樂老此聖明朝寄語青雲士  
巢由不見堯

雪中遣興

橫山雀髮翁小蒼龜頭舍一爐置中央四壁塗縫罅晨粥食  
近午晝戶閉如夜舉足手扶杖縮頸頭蒙帕拔木飄風靜宜  
麥大雪下公家租賦畢農圃犁鉏暇沽酒黃公壚分肉陳平  
社有時聚親戚談謔弄杯竿有時呼子孫舞蹈歌風雅舊竹  
幸平安孤松正蕭洒一笑謝梅花騷無補亡者

贈張鍊師

名善淵

我昔諦觀韓子詩春秋書法風雅辭九流百家蘭鮑雜直筆  
貶褒非無之嵩山道士姓張氏大篇春容獨稱美嘉乃丹衷  
獻赤墀欲撻羗夷安晉鄙天顏咫尺千里同母氏連環來夢  
中忠孝並存方寸地翩然歸袖舞春風淵今同姓復同道愛  
親又與同懷抱靈修未得一品題蕭施竟混金光草嗟予學  
韓年近百吟骨冰清頭雪白內交豈無黃與緇轉首多成兩

塵隔淵乎淵乎識道理潮州老僧差可擬敬留依山靈起舞  
烟霞喜

悼大林庵主日公

三光掣斷駕三車一笑今朝喜到家  
外旦評喧衆口淤泥藕出白蓮花

燕耳峯頭有客歸相逢還着舊禪衣  
五山十刹都傳語莫遣

閑雲出岫飛

憶昔雲林訪舊遊空堂六月靜如秋  
焚香坐說西來意門外

青山亦點頭

一住橫山二十年中木石盡通禪  
老夫載雪重來日誰折

龜巢藁卷七

七

梅花送上舡

輓無錫王友人

門無車馬送迎忙身混泥塗寵辱忘  
澆火有時持鼠布濯纓何異在滄浪  
九龍山下青丘舊雙鯉池中碧草香  
生子賢如黃叔度牛醫子載共流芳

感事二首

草暗日欲落日迴路轉餘叔敖呼不起  
誰擊兩頭蛇蹊田牛奪去立仗馬令肥  
安得春秋筆公然決是非

邀野文允小酌

春秋連兩年喜事忽今日佳期一百五  
有菜二十七瓊藻賞

酒尊速客聚圭華風迴落花舞雲開遠山出鷓蚌自相持雞  
蟲誰得失鄉無月旦評世乏春秋筆長損謝知已永言保貞  
吉

題秦仲暘雨竹

湘山之陽湘水陰鷓鴣聲中雨潏潏此君一別知幾載別後  
桑田變滄海客來今雨重相看歲寒風節依然在餘事不須  
多感慨

送徐士方之登州黃縣學教諭

世態趨炎素所憎校官應喜冷如冰絲桐聲續龜山操膏火  
光分海市燈大釣六鰲將有兆高堂三鱣豈無徵寄書黃耳

畢箕藁卷七

五

還家日莫惜題詩貺剡藤

觀音柳

肉髻珠纓自在身何緣化作柳中人三眠未足風扶起似怯  
春寒翠黛顰

羅漢松

余素拙詩至詠物則其拙尤甚故昨效諸公賦觀音柳俗  
陋可笑今又聞羅漢松可配前題再用出醜盖欲求刻  
畫無鹽變惡爲美勿徒笑其醜云

十八羅漢十八公前身後身將無同一行九里西湖路應供  
誰家去雪中

次韻答鄭玄齡見寄

青年肥遯方求志白首貧交獨念予  
開徑埽花童起早敲門  
看竹客來疎匣藏神物蛟龍劍架插古文蝌蚪書風雨一春  
門不出門前車馬自紛如

宿僧房澹泊齋

鐘鳴雨樓風滿天金猊吐盡旃檀烟  
誰知林下一宿覺我有  
石上三生緣

懷郡城諸友

余生篤親友平居數相顧老去筋力疲  
此心尙如故年年二  
三月晴暖入城府沂雩童冠俱所樂  
隨所遇安知今年春十

龜巢藁卷七

三

日九風雨甚疑媧石漏無石可修補  
一榻高堂氏四壁蝸篆  
古床頭丹茵出青苔洒庭戶羣芳狼籍盡  
未半紅腐我耳  
未全聾聽之亦良苦  
賴有二三子時復共尊俎或歌竹枝詞  
或賦梧桐句鏗鏘迭倡和所樂勝鐘鼓  
歸舟挂晴帆快若馳  
馬去圓天爛青銅新淥漲南浦  
侯門童程奔滄洲舞鷗鷺  
我  
我屋上山厯厯山上樹白石喜不爛  
且無泥滓污不見黃初  
平散臥羊無數尸坐對烟霞神交憶  
支許何時松葉酒薜蘿  
德星聚瞻彼片雲內援毫抒情悰

賀太平寺講主

生公坐擁點頭石  
楚老來聽焦尾琴  
祇樹獨圍春  
又夏雜花

千界古猶今壁無畫水傳奇跡塔有風鈴作妙音安得刮除  
雙眼膜時陪杖錫一登臨

感興

四月初九自城中抵家得  
前四句後旬日足成之

兩目眇昏耳又聾僅存方寸古秦銅忘機自得親漚侶含弩  
從教伏射工百越溪山詩枕上四時風月酒杯中惜春無奈  
春癡籍頻遣蒼頭埽落紅

端午日懷古

五月五日追前賢九歌九章鳴素絃蛟人應泣魚腹葬龍伯  
合贈龜毛擅招魂感舊痛梁壞反騷美新圖瓦全楚天盡處  
臥遊去艤舟醉月羅紅邊

龜巢墓卷七

西塘詩爲郭尋倫作

具區北東三十里家住西塘水之浹滄洲不浣軟紅塵一鏡  
波光照窗几西塘本無風物奇有功於民民稱之旱田霑漑  
數百頃苗無稿死年無饑非湫非壑非瀚渤不爲蛟螭作窠  
窟輕舟往來快如馬撥棹人如執鞭卒東隣西舍雜漁樵朝  
出暮歸歌且謠白紅荷葉紫菱芡萑苕蘋蓼蒲蘆菱高齋讀  
書歲年久鍼經一編常在手客來問疾或問奇拄杖挂錢舡  
載酒人生有此林塘幽不妨未老先菟裘地因人勝從此始  
千古萬古芳名流

端午後雨阻過詹氏蘿屋卽事賦絕句二首代簡

風打船頭輓不前  
舡回雨點大如拳  
請看六日蟾無用  
且得爬沙手腳全

瀕溪數家風景幽  
溪流過門東轉頭  
黃梅雨少麥大熟  
買布輸官可不憂

人面獸懲元惡也  
惡不可縱天不可欺  
故作二詩以懲

人面獸長七尺人衣冠  
人飲食面有七竅  
皆人形猛獸之人  
心莫測生來害物固不少  
羣居猶自藏牙爪  
一朝忽欲陵殺  
人豹麀熊文皆驚倒

又

龜巢藁卷七

三

人面獸聽吾語一人受害一家苦  
爺娘妻子令失所殘忍胡爲至  
如許人言汝性多陰毒中汝毒者  
悅汝目快汝腹汝心方屢足嗚呼  
馮婦或再生獸乎獸乎勿橫行恢  
恢天網布八紘莫道網疎可漏天  
尊首

追悼諸葛用中  
諱端幼年能寫大字既習舉子業學業袁子方先生之門

楊子江南疇曩日  
呂蒙城裏一文星  
科場早試程朱易  
立學旁參道德經  
愚與通家心甚赤  
賢能知己眼常青  
草生若帶人皆喜  
竹作詩筒使不停  
着處溪山朝載酒  
有時雪月夜揚舡  
卜隣晚欲從王翰  
分席尤加敬管甯  
一旦谷陵驚變改  
十年兵火苦飄零  
扣門幾語風敲竹  
泛宅長如雨打萍  
天上玉

樓俄有召月宮娥藥竟無靈細君冠佩全貞節先世箕裘祝甯馨名溢東吳滄海國魂歸北固白雲屏兩家相去百餘里一老今踰九十齡聯句每懷吟石鼎聽琴頻夢坐分亭柱題應有能言雀擬踏秋風去一聽

寄鄧秉文二首

曹橫山下聲叟呂蒙城中放翁何夕舉杯邀月中秋鼓柁乘風

鐵柱碑硯二老璿霄沆漚三更絕口不談時事掀髯聊叙平生

寄陳彰遠明遠兄弟

龜巢彙卷七

三

金牛臺下帶經鉏長鋏無聲食有魚兄弟五人雙壁在箕裘三世一廛居中秋明月最端正長夜浮雲或卷舒覓得筋梯上天去同將物理問何如

寄辛至善

青年卽着遠遊鞭白首仍居小市廛寂寞蓬蒿三徑在辛勤父子一經傳奔牛堰下水到海射虎亭西山插天我欲抱槩尋戴去中秋相近月將圓

寄清微觀周石泉

塵揚滄海廿餘齡眞館翬飛壓瘦亭風掃劫灰南土樂天開圖畫北山青丹砂九轉龍蟠鼎玉漏三更雀聽經諸葛尙翁

呼不起正須金石播遺馨

三笑圖

簡寂先生五柳翁襟期適與遠師同過橋相送忘相別千古  
風流一笑中

風雲雷雨畫四首

芸芸萬物生蘧廬盜盜元氣橐籥吁偃禾拔木未有曾謂君  
細讀金滕書

漠漠閑雲淡淡容不爲蒼狗未從龍直須霖雨功成後依舊  
還山伴赤松

金電光中霹靂飛殘臣胆落震驚時雲收雨散青天出能聽

龜巢藁卷七

三

無聲有阿誰

誰挽銀河沃太空恩沾赤地洗熾熾陰陽燮理天家喜都在  
丹青筆意中

野雲歌爲王元一羽士作

山中之雲歛踪跡空谷深藏伴泉石從龍之雲雷電俱四方  
行雨勞馳驅飄然一片雲在野看來最是悠悠者或舒或卷  
無朝夕南北東西隨所適道人含笑松下坐我卽是雲雲卽

我

買臣讀書圖

噫予會稽守素行何卓絕采樵工或餘誦讀聲不輟青柴担

頭春赤腳林下雪富貴知有時妻子從改節高風一如此後  
世誰可埒吾將訪遺蹤更得探禹穴

薦福寺紅梅詩

紅梅閣事見毘陵志等書庚溪詩話載程致道詩有春風

日浩蕩醉色回冰肌之句元末兵燬今本山釋源公竺

淵恢復舊刹重植茲花丐予詩記之

紅梅閣下梅花樹陵谷變時風拔去堯峯老禪歸故山覓得  
孤根栽舊處年年春到花時節一株玉出臙脂雪春風笑面  
歲寒心光塵混融風韻別老禪道服忘妍醜品題假我扶犁  
手黃州之慧海棠花可與齊名傳不朽月香水影象王宮雜

龜巢藁卷七

五

花世界將無同幾度拈花有人笑吾將請問瞿曇翁

源竺淵以道西傳等和予詩亦蒙見贈且云臨字等韻

難和予因復次韻酬之

支許論交世所欽昌黎亦聽穎師栗深山大澤多遺逸明月  
清風無古今閣下梅花桃杏色庭前栢樹海潮音寫容代有  
丹青筆電目誰能一照清

獨孤公檜詩

唐獨孤憲公爲常州刺史時有手植之檜今見諸郡志等

書元未樹殷於兵至此二十餘年爲州民者宜再植以

寓思賢之意况有周鍊師爲松菊主者乎率爾口占呈

乞諸縉紳先生更倡迭和相與贊成亦庶乎厚風俗云  
憶年十五六好古尊前賢初聞獨孤檜快靚曾爭先蒼然一  
株枿舊根皴皮錯節枝葉蕃適逢夜雨半身濕疑是往年甘  
露痕孔明廟前栢相似乃在陳司徒廟之後園嚮來陵谷忽  
變改化作劫灰飛入海神焦鬼爛救不得桐鄉自此無光彩  
幸存一曲闌干石題公姓氏留遺跡石苔爛班土花碧相伴  
銅鈿臥荆棘予從海上避兵歸幾度摩挲長太息懷哉古之  
人好賢意無窮詠甘棠愛召伯賦葦竹美武公憲公此樹堪  
比隆後人甯不仰高風立都道士桃千樹一檜區區豈難措  
龍鍾野老及羣英亦愧因循坐遲暮檜乎檜乎重培植風枝

龜巢藁卷七

三

相糝霜幹直邦人具瞻仰遺德見樹猶如見顏色六百二十  
五年如一日

題牽牛圖

爲丁學古作

不放桃林不飲池牧童牽去意如何南山石爛今非昔窸戚  
無勞扣角歌

題鷺鷥便面

爲丁學古作

潦倒滄洲客蕭條白鷺詩牧之呼不起此意少人知剡谷

老出門

老去多懷舊興來時坐馳出門窮鬼笑罄室少人知野飯新  
菰米詩囊古竹枝諸孫溪上別矻矻問歸期

題僧房澹泊軒

我愛澹泊軒山居城市中雲分半間許雨溜四壁同風林金石聲道人冰雪容澹然味無味泊然空不空露坐點頭石雪立摩頂松吾徒幸相與吾道喜不窮一笑兩忘言落花舞回風

江山漁樂圖

數口妻兒網一張船爲家舍水爲鄉江南江北山如畫欸乃

聲中送夕陽

崑山王有恒以書附常州天甯寺長老寶公問予近况

作詩答之并索諸友賦重植獨孤檜詩

龜巢葉卷七

七

客從笠澤來常郡書到橫山問老夫哭子哭孫家已破賣書賣劍酒還沽千墩每入龜巢夢十月應開獸炭爐支許舊遊煩寄語肯題唐檜和巴歛

黃林屋許贈皂布巾不至戲作此索之

霜倒蓮葉巢老龜寒縮首欲畏緇布巾并篋瓦盆酒此酒今已熟此巾曾製否抱膝梁父吟炙背坐南牖老况知音誰橫

林隱居叟

贈天甯寶滄海

臨濟雲仍幾代孫猊床說法象龍奔庭前銀杏西來意陌土銅駝東郭門回海其沾新雨露一舟能泝古淵源留衣人遠

衣何在別有伽黎遺後昆

悼城西周彥美

七十六年事梨花夢裏春家傳三代禮身作兩朝人負郭田園樂連雲第宅新

麒麟

三槐堂上客

最青春吐酒常憐我奕碁多勝人

竟作白頭新醜酒橋玄墓潸然為泣麟

龜巢藁卷七

三

食甘白頭新醜酒橋玄墓潸然為泣麟

三槐堂上客 最青春吐酒常憐我奕碁多勝人

麒麟

開樂賦雲漢守藩

丁十六年事梨花夢裏春家傳三代禮身作兩朝人負郭田

麒麟

龜巢藁卷之七終



